

# পার্বত্য চট্টগ্রাম চুক্তি বাস্তবায়ন প্রসঙ্গে ২ ডিসেম্বর ২০১৯




পার্বত্য চট্টগ্রাম জনসংহতি সমিতি

পার্বত্য চট্টগ্রাম চুক্তি বাস্তবায়ন প্রসঙ্গে  
২ ডিসেম্বর ২০১৯



পার্বত্য চট্টগ্রাম জনসংহতি সমিতি



**পার্বত্য চট্টগ্রাম চুক্তি বাস্তবায়ন প্রসঙ্গে ॥ ২ ডিসেম্বর ২০১৯**

পার্বত্য চট্টগ্রাম জনসংহতি সমিতির তথ্য ও প্রচার বিভাগ কর্তৃক ২ ডিসেম্বর ২০১৯  
জনসংহতি সমিতির কেন্দ্রীয় কার্যালয়, কল্যাণপুর, রাঙামাটি থেকে প্রকাশিত ও প্রচারিত।

**শুভেচ্ছা মূল্য : ৫০.০০ টাকা**

#### **Parbatya Chattogram Chukti Bastabayan Prasange ॥ 2 December 2019**

published by Information and Publicity Department of Parbatya Chattogram Jana Samhati Samiti (PCJSS) on 2 December 2019 from its Central Office, Kalyanpur, Rangamati, Chittagong Hill Tracts, Bangladesh.

Telefax: +880-351-61248, E-mail: pcjss.org@gmail.com, pcjss.info@gmail.com  
Web: www.pcjss.org

**Price : Tk. 50.00 only**

## **গত ২০ অক্টোবর ২০১৯ খ্রিস্টাব্দে অনুষ্ঠিত পার্বত্য চট্টগ্রাম চুক্তি বাস্তবায়ন ও পরিবীক্ষণ কমিটির সভায় পার্বত্য চট্টগ্রাম বিষয়ক মন্ত্রণালয়ের সচিব কর্তৃক পেশকৃত 'পার্বত্য চট্টগ্রাম চুক্তি বাস্তবায়ন ও অগ্রগতি সংক্রান্ত' শিরোনামে সরকারের সর্বশেষ বক্তব্য এবং তৎপ্রেক্ষিতে জনসংহতি সমিতির মতামত**

২ ডিসেম্বর ১৯৯৭ পার্বত্য চট্টগ্রাম চুক্তি স্বাক্ষরিত হয়। চুক্তিতে ৪ টি খণ্ড রয়েছে। প্রথম খণ্ড 'ক' সাধারণ-এ ৪ টি ধারা রয়েছে। দ্বিতীয় খণ্ড 'খ' অনুযায়ী পার্বত্য জেলা স্থানীয় সরকার পরিষদ আইনের ৭৯টি ধারার মধ্যে ৩৫টি ধারা সংশোধন করা হয় ও ৪৪টি ধারা বহাল রাখা হয়। তৃতীয় খণ্ড 'গ' পার্বত্য চট্টগ্রাম আঞ্চলিক পরিষদ-এ ১৪টি ধারা রয়েছে এবং অন্যান্য ধারা ও উপ-ধারা পার্বত্য জেলা পরিষদ আইনের অনুসরণে সন্নিবেশিত হবে মর্মে বিবৃত হয়। চতুর্থ খণ্ড 'ঘ' সাধারণ ক্ষমা, পুনর্বাসন ও অন্যান্য বিধানাবলীতে ১৯ টি ধারা সন্নিবেশিত হয়। সুতরাং পার্বত্য চট্টগ্রাম চুক্তি বাস্তবায়ন বলতে চুক্তির প্রথম খণ্ডে অন্তর্ভুক্ত বিধানাবলী, দ্বিতীয় খণ্ড অনুযায়ী বর্ণিত সংশ্লিষ্ট অভিযোজনসহ পার্বত্য জেলা পরিষদ (সংশোধন) আইন, ১৯৮৯ এর বিধানাবলী, তৃতীয় খণ্ড অনুযায়ী প্রণীত পার্বত্য চট্টগ্রাম আঞ্চলিক পরিষদ আইন, ১৯৯৮ এর বিধানাবলী এবং চতুর্থ খণ্ডে অন্তর্ভুক্ত বিধানাবলী বাস্তবায়নকে বুকায়।

সরকারের 'পার্বত্য চট্টগ্রাম চুক্তি বাস্তবায়ন ও অগ্রগতি সংক্রান্ত' প্রতিবেদন অনুসারে পার্বত্য চুক্তির ৭২টি ধারার মধ্যে ৪৮টি ধারা সম্পূর্ণ বাস্তবায়িত ও ১৫টি ধারা আংশিক বাস্তবায়িত হয়েছে এবং ৯টি ধারার বাস্তবায়ন কার্যক্রম চলমান রয়েছে বলে উল্লেখ করা হয়েছে। পার্বত্য চট্টগ্রাম জনসংহতি সমিতির মতে, ৭২টি ধারার মধ্যে মাত্র ২৪টি ধারা বাস্তবায়িত হয়েছে, ৩৪ ধারা সম্পূর্ণভাবে অবাস্তবায়িত এবং সরকার এসব ধারা লজ্জন করে চলেছে। অবশিষ্ট ১৫টি ধারা আংশিক বাস্তবায়িত হয়েছে। নিম্নে চুক্তি বাস্তবায়ন সম্পর্কে সরকারের সর্বশেষ বক্তব্যের প্রেক্ষিতে জনসংহতি সমিতির মতামত তুলে ধরা হলো।

| ধারা             | চুক্তির বিষয়   | সরকারের সর্বশেষ বক্তব্য   | জনসংহতি সমিতির মতামত   |  |
|------------------|---|---|--|--|
| <b>ক. সাধারণ</b> |   |   |  |  |
| ক.১.             | উভয় পক্ষ পার্বত্য চট্টগ্রাম অঞ্চলকে উপজাতি অধ্যুষিত অঞ্চল হিসাবে বিবেচনা করিয়া এই অঞ্চলের বৈশিষ্ট্য সংরক্ষণ এবং এই অঞ্চলের সার্বিক উন্নয়ন অর্জন করার প্রয়োজনীয়তা স্বীকার করিয়াছেন।                                  | বাস্তবায়িত। সরকারের রূপকল্প ভিশন ২০২১ এবং ৭ম পঞ্চ বার্ষিক পরিকল্পনার রূপরেখা দেয়া হয়েছে। বাংলাদেশের সংবিধানের পঞ্চদশ সংশোধনীতে ২৩ক উপ-অনুচ্ছেদ অন্তর্ভুক্তির মাধ্যমে বাংলাদেশের উপজাতি, ক্ষুদ্র নৃ-গোষ্ঠী, জাতিসম্মত প্রধানমন্ত্রী কথা দিয়েছেন যে উনিশশো আশি দশকে পুনর্বাসন সেটেলারদেরকে সমতল অঞ্চলে পুনর্বাসন দেয়া হবে। তবে বিশেষ কারণে তা চুক্তিতে উল্লেখ করা যাবে না। সেই সূত্রে ২ ডিসেম্বর ১৯৯৭ খ্রিস্টাব্দ তারিখে চুক্তি স্বাক্ষর অনুষ্ঠানের পর জনসংহতি সমিতির নেতৃত্বাধীন প্রতিনিধিদলের নিকট মাননীয় প্রধানমন্ত্রী এ বিষয়টি পুনর্ব্যক্ত ও আশ্বাস প্রদান করেন। | অবাস্তবায়িত।<br>চুক্তির এ বিধান সুনির্ণিতকরণে ভূমি বিরোধ নিষ্পত্তি, পাহাড়ি অধিবাসীদের ভূমি অধিকার সংরক্ষণ, পার্বত্য চট্টগ্রাম অঞ্চলে বিশেষ শাসনকাঠামো স্থাপন, প্রত্যাগত শরণার্থী ও আভ্যন্তরীণ পাহাড়ি উদ্বাস্তুদের পুনর্বাসন, অউপজাতীয় স্থায়ী বাসিন্দার সংজ্ঞা নির্ধারণ, স্থায়ী বাসিন্দাদের নিয়ে ভোটার তালিকা প্রণয়ন প্রত্বত্তি বিধানবলী অন্তর্ভুক্ত করা হয়। পার্বত্য চট্টগ্রাম জনসংহতি সমিতির দাবীর প্রেক্ষিতে পার্বত্য চট্টগ্রাম বিষয়ক জাতীয় কমিটির আহ্বায়ক তৎকালীন চীফ হুইপ জনাব আবুল হাসানাত আবদুল্লাহ জনসংহতি সমিতির প্রতিনিধিদলকে বারংবার জানান যে, মাননীয় প্রধানমন্ত্রী কথা দিয়েছেন যে উনিশশো আশি দশকে পুনর্বাসন সেটেলারদেরকে সমতল অঞ্চলে পুনর্বাসন দেয়া হবে। তবে বিশেষ কারণে তা চুক্তিতে উল্লেখ করা যাবে না।<br>সংবিধানের পঞ্চদশ সংশোধনীতে ২৩ক উপ-অনুচ্ছেদ অন্তর্ভুক্তির মাধ্যমে বাংলাদেশের উপজাতি, জাতিসম্মত, ক্ষুদ্র নৃ-গোষ্ঠী ও সম্প্রদায়ের ভাষা ও সংস্কৃতি বিকাশ ও সংরক্ষণের বিষয়টি নিশ্চিত করা হয়েছে বলে সরকার কর্তৃক যে বক্তব্য পেশ করা হয় তা যথাযথ নয়।<br>উপজাতি অধ্যুষিত অঞ্চলের বৈশিষ্ট্য সংরক্ষণকল্পে (১) সংবিধানে পার্বত্য চট্টগ্রাম অঞ্চল বিভিন্ন ভাষা-ভাষী উপজাতি অধ্যুষিত অঞ্চল মর্মে সংবিধিবন্দ ব্যবস্থা প্রবর্তন করা, (২) সংবিধানের ২৮ অনুচ্ছেদের ৪ উপ-অনুচ্ছেদে “নারী বা শিশুদের অনুকূলে কিংবা নাগরিকদের অনগ্রসর অংশের” শব্দসমূহের অব্যবহিত পরে ‘বা পার্বত্য চট্টগ্রাম অঞ্চলের অনগ্রসর পাহাড়িদের’ শব্দসমূহ সংযোজন করা, এবং (৩) উনিশশো আশি দশকে পুনর্বাসন সেটেলারদেরকে সমতল জেলাগুলোতে পুনর্বাসন দেওয়ার জন্য পরিকল্পনা গ্রহণ ও বাস্তবায়ন করা অপরিহার্য। কিন্তু অদ্যাবধি সরকার সেসব বিষয়ে কোন পদক্ষেপ গ্রহণ করেনি। |  |
| ক.২.             | উভয়পক্ষ এই চুক্তির আওতায় যথাশীল্য ইহার বিভিন্ন ধারায় বিবৃত ঐক্যমত্য ও পালনীয় দায়িত্ব অনুযায়ী সংশ্লিষ্ট আইন, বিধানবলী, রাজিস্মূহ প্রণয়ন, পরিবর্তন, সংশোধন ও সংযোজন আইন মোতাবেক করা হইবে বলিয়া স্থিরীকৃত করিয়াছেন। | বাস্তবায়িত। তিন পার্বত্য জেলা পরিষদ আইন, ১৯৮৯ পার্বত্য চট্টগ্রাম চুক্তির ধারা মতে পরিবর্তিত করে জারি করা হয়েছে। পার্বত্য চট্টগ্রাম ভূমি বিরোধ নিষ্পত্তি কমিশন (সংশোধন) আইন ২০১৬ মহান জাতীয় সংসদে অনুমোদিত হয়েছে এবং ১৩ অক্টোবর ২০১৬ তারিখে বাংলাদেশ গেজেটে তা জারী করা হয়েছে। উক্ত আইনের আওতায় বিধিমালা প্রণয়নের জন্য ভূমি মন্ত্রণালয়ে খসড়া বিধিমালা, ২০১৬ প্রেরণ করা হয়েছে। বর্তমানে পার্বত্য চট্টগ্রাম ভূমি বিরোধ নিষ্পত্তি কমিশন বিধিমালা, ২০১৬ প্রণয়নের কাজ ভূমি মন্ত্রণালয়ে চলমান রয়েছে।  | অবাস্তবায়িত।<br>১৯৯৮ খ্রিস্টাব্দে তিন পার্বত্য জেলা পরিষদ আইন ও পার্বত্য চট্টগ্রাম আঞ্চলিক পরিষদ আইন প্রণীত হয়েছে। জাতীয় সংসদে পার্বত্য চট্টগ্রাম ভূমি বিরোধ নিষ্পত্তি কমিশন আইন, ২০০১ সংশোধনকল্পে পার্বত্য চট্টগ্রাম ভূমি বিরোধ নিষ্পত্তি কমিশন (সংশোধন) আইন, ২০১৬ পাশ হয়েছে। তবে ভূমি কমিশনের বিধিমালা এখনো প্রণীত হয়নি।<br>চুক্তির উক্ত বিধান কার্যকর করার জন্য ১৮৬১ সালের পুলিশ এ্যাক্ট ও ১৯০০ সালের পার্বত্য চট্টগ্রাম রেণ্টলেশনসহ পার্বত্য চট্টগ্রামে প্রযোজ্য অন্যান্য আইন (আইন, বিধিমালা, আদেশ, পরিপত্র, বিভিন্ন মন্ত্রণালয়ের কর্মবন্দন বা Allocation of Business ইত্যাদি) সংশোধন করা অপরিহার্য। পার্বত্য চট্টগ্রাম আঞ্চলিক পরিষদ কর্তৃক বেশ কতিপয় আইন, বিধি ও পরিপত্র সংশোধন করার জন্য সুপারিশমালা পেশ করা হলেও সরকার কর্তৃক আজ অবধি কোন পদক্ষেপ গৃহীত হয়নি। এ বিধান ‘সম্পূর্ণ বাস্তবায়িত’ হয়েছে মর্মে সরকারের অভিমত সঠিক নয়।  |  |

| ধারা   | চুক্তির বিষয়   | সরকারের সর্বশেষ বক্তব্য   | জনসংহতি সমিতির মতামত  |  |
|--|---|---|---|--|
| <b>ক. সাধারণ</b>   |   |   |   |  |
| ক.৩.   | <p>এই চুক্তির বাস্তবায়ন প্রক্রিয়া পরিবীক্ষণ করিবার লক্ষ্যে নিম্নে বর্ণিত সদস্য সমন্বয়ে একটি বাস্তবায়ন কমিটি গঠন করা হইবে।</p> <p>(ক) প্রধানমন্ত্রী কর্তৃক মনোনীত একজন সদস্য: আহ্বায়ক</p> <p>(খ) এই চুক্তির আওতায় গঠিত টাঙ্ক ফোর্সের চেয়ারম্যান : সদস্য</p> <p>(গ) পার্বত্য চট্টগ্রাম জনসংহতি সমিতির সভাপতি : সদস্য</p>   | <p>বাস্তবায়িত। চুক্তির বাস্তবায়ন প্রক্রিয়া পরিবীক্ষণ করার লক্ষ্যে সর্বশেষ ১৮/০১/২০১৮ তারিখে জাতীয় সংসদের মাননীয় সংসদ সদস্য জনাব আবুল হাসনাত আবদুল্লাহ-কে আহ্বায়ক করে ও (তিনি) সদস্য বিশিষ্ট চুক্তি বাস্তবায়ন কমিটি পুনর্গঠন করা হয়েছে।</p>  | <p>আংশিক বাস্তবায়িত।</p> <p>চুক্তির এ বিধান অনুযায়ী পার্বত্য চট্টগ্রাম চুক্তি বাস্তবায়ন পরিবীক্ষণ কমিটি এ যাবৎ গঠিত হয়ে আসছে। কিন্তু কমিটির নিজস্ব কোন কার্যালয় ও জনবল নেই। বলাবাহ্য, চুক্তি বাস্তবায়ন প্রক্রিয়ার ধারাবাহিকতা বজায় রাখার ও গৃহীত সিদ্ধান্ত কার্যকর করণার্থে কমিটির নিজস্ব কার্যালয়ের জন্য জনবল ও তহবিল ব্যবস্থা করা আবশ্যিক। এ বিধান 'সম্পূর্ণ বাস্তবায়িত' হয়েছে মর্মে সরকারের অভিমত সঠিক নয়।</p> <p>গত ১৮ ফেব্রুয়ারি ২০১৮ খ্রিস্টাব্দ তারিখে অস্থায়ী সেনা ক্যাম্প তুলে নেবার জন্য প্রধানমন্ত্রীর কার্যালয় হতে সেনা সদর দপ্তরে নির্দেশনা দেওয়া হয়েছে। কিন্তু সেনা কর্তৃপক্ষ কোন অস্থায়ী সেনা ক্যাম্প তুলে নেয়নি বরঞ্চ নানা অজুহাতে ২০১৮ ও ২০১৯ খ্রিস্টাব্দে কমপক্ষে আরো ১০টি অস্থায়ী সেনা ক্যাম্প স্থাপন করেছে।</p> |  |
| ক.৪.   | <p>এই চুক্তি উভয়পক্ষ কর্তৃক সম্পাদিত ও সহি করিবার তারিখ হইতে বলবৎ হইবে। বলবৎ হইবার তারিখ হইতে এই চুক্তি অনুযায়ী উভয়পক্ষ হইতে সম্পাদনীয় সকল পদক্ষেপ সম্পন্ন না হওয়া পর্যন্ত এই চুক্তি বলবৎ থাকিবে।</p>  | <p>বাস্তবায়িত। পার্বত্য চুক্তি উভয় পক্ষ কর্তৃক সম্পাদিত ও সই করার তারিখ হইতে বলবৎ রয়েছে। চুক্তির বিরুদ্ধে ২০০০ সালে ও ২০০৭ সালে দায়েরকৃত প্রথক দুটি মামলায় গত ১২-১৩ এপ্রিল ২০১০ হাই কোর্ট থেকে আঞ্চলিক পরিষদ আইন ও তিনি পার্বত্য জেলা পরিষদের কয়েকটি গুরুত্বপূর্ণ ধারা অসাংবিধানিক মর্মে অবৈধ বলা হয়েছে বলে যে রায় দেয়া হয়েছে তার বিরুদ্ধে সরকারের আবেদনের প্রেক্ষিতে আপিল বিভাগের চেয়ার আদালত হাইকোর্টের রায়কে আপীল বিভাগে নিষ্পত্তি না হওয়া পর্যন্ত স্থগিত ঘোষণা করে। আপীল বিভাগে চলমান আপীল মামলা দ্রুত নিষ্পত্তির কোন উদ্যোগ বিগত ১০ বছরেও সরকারের তরফ থেকে গ্রহণ করা হয়নি। এ বিধান 'সম্পূর্ণ বাস্তবায়িত' হয়েছে মর্মে সরকারের অভিমত সঠিক নয়।</p> |   |  |
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |   |   |   |  |
| খ.   | <p>উভয়পক্ষ এই চুক্তি বলবৎ হওয়ার পূর্ব পর্যন্ত বিদ্যমান পার্বত্য জেলা স্থানীয় সরকার পরিষদ আইন, ১৯৮৯ (রাঙ্গামাটি পার্বত্য জেলা স্থানীয় সরকার পরিষদ আইন, ১৯৮৯, বান্দরবন পার্বত্য জেলা স্থানীয় সরকার পরিষদ আইন, ১৯৮৯, খাগড়াছড়ি পার্বত্য জেলা স্থানীয় সরকার পরিষদ আইন, ১৯৮৯) এবং এর বিভিন্ন ধারাসমূহের নিম্নে বর্ণিত পরিবর্তন, সংশোধন, সংযোজন ও অবলোপন করার বিষয়ে ও লক্ষ্য একমত হইয়াছেন।</p> | <p>বাস্তবায়িত। পার্বত্য চট্টগ্রাম চুক্তি অনুযায়ী সংশ্লিষ্ট ধারাগুলো সংযোজন করে তিনি পার্বত্য জেলা পরিষদ আইন জারি করা হয়েছে। তিনি পার্বত্য জেলা পরিষদের প্রতীক কার্য থগলী বিধিমালা রয়েছে।</p>  | <p>আংশিক বাস্তবায়িত। তিনি পার্বত্য জেলা পরিষদ আইন সংশোধন করা হলেও উন্নয়ন সংক্রান্ত ধারা যথাযথভাবে সংশোধিত হয়নি। চেয়ারম্যানগণের উপমন্ত্রীর মর্যাদা পুনঃপ্রদান করা হয়নি। পার্বত্য জেলা পরিষদের কার্যালয়ী নির্বাহী আদেশের মাধ্যমে হস্তান্তরিত হচ্ছে না। পরিষদের আইন যথাযথভাবে বাস্তবায়িত হচ্ছে না।</p>  |  |
| খ.১.   | পরিষদের বিভিন্ন ধারায় ব্যবহৃত “উপজাতি” শব্দটি বলবৎ থাকিবে।   | বাস্তবায়িত।  | বাস্তবায়িত।  |  |

| ধারা   | চুক্তির বিষয়  | সরকারের সর্বশেষ বক্তব্য  | জনসংহতি সমিতির মতামত   |
|--|--|--|--|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |  |  |  |
| খ.২.   | “পার্বত্য জেলা স্থানীয় সরকার পরিষদ” এর নাম সংশোধন করিয়া তদ্পরিবর্তে এই পরিষদ “পার্বত্য জেলা পরিষদ” নামে অভিহিত হইবে।   | বাস্তবায়িত।   | বাস্তবায়িত।   |
| খ.৩.   | “অটপজাতীয় স্থায়ী বাসিন্দা” বলিতে যিনি উপজাতীয় নহেন এবং যাহার পার্বত্য জেলায় বৈধ জায়গা জমি আছে এবং যিনি পার্বত্য জেলায় সুনির্দিষ্ট ঠিকানায় সাধারণতঃ বসবাস করেন তাহাকে বুবাইবে।   | বাস্তবায়িত। ১৯৯৮ সালে পার্বত্য জেলা পরিষদ আইন সংশোধন কালে “অ-উপজাতীয় স্থায়ী বাসিন্দা” শীর্ষক সংজ্ঞা সংশোধন করা হয়েছে।  | অবাস্তবায়িত। উক্ত ধারা লজ্জন করে ২১/১২/২০০০ তারিখে পার্বত্য চট্টগ্রাম বিষয়ক মন্ত্রণালয়ের এক অফিসাদেশের মাধ্যমে সার্কেল চীফের পাশাপাশি ডেপুটি কমিশনারদেরও সনদপত্র প্রদানের যে ক্ষমতা দেয়া হয়েছে তা প্রত্যাহারের জন্য বার বার দাবি করা সত্ত্বেও প্রত্যাহার করা হয়নি। ডেপুটি কমিশনাররা পার্বত্য জেলার স্থায়ী বাসিন্দা নন এমন অটপজাতীয় ব্যক্তিদেরকে স্থায়ী বাসিন্দা সনদপত্র দিয়ে চলেছেন। উক্তরূপ সনদপত্র বিশেষত চাকরি, জমি বন্দোবস্ত, খণ্ড গ্রহণ, ভোটার তালিকাভুক্তি বা কোটা ব্যবস্থাধীনে শিক্ষা প্রতিষ্ঠানে ভর্তির ক্ষেত্রে ব্যবহৃত হয়ে আসছে।  |
| খ.৪.   | ক) প্রতিটি পার্বত্য জেলা পরিষদে মহিলাদের জন্য ৩ (তিনি) টি আসন থাকিবে। এইসব আসনের এক-ত্রুটীয়াৎশ (১/৩) অ-উপজাতীয়দের জন্য হইবে।   | বাস্তবায়িত। পার্বত্য জেলা পরিষদ আইন যথাযথভাবে সংশোধন করা হয়েছে। পরিষদ আইনের ১৬ক ধারা মোতাবেক বর্তমান অন্তর্বর্তীকালীন পরিষদ কার্যকর আছে। নির্বাচিত পরিষদে বিষয়টি নিশ্চিত হবে।   | অবাস্তবায়িত। বর্তমানে অন্তর্বর্তীকালীন পরিষদ কার্যকর থাকলেও সংরক্ষিত আসনে মহিলাদের নির্বাচিত করা হচ্ছে না।  |
|  | খ) ৪ নম্বর ধারার উপ-ধারা ১, ২, ৩ ও ৪ - মূল আইন মোতাবেক বলবৎ থাকিবে।  | বাস্তবায়িত।   | বাস্তবায়িত।   |
|  | গ) ৪ নম্বর ধারার উপ-ধারা (৫)-এর দ্বিতীয় পংক্তিতে অবস্থিত “ডেপুটি কমিশনার” এবং “ডেপুটি কমিশনারের” শব্দগুলির পরিবর্তে যথাক্রমে “সার্কেল চীফ” এবং “সার্কেল চীফের” শব্দগুলি প্রতিস্থাপিত হইবে।  | বাস্তবায়িত।   | বাস্তবায়িত।   |
|  | ঘ) ৪ নম্বর ধারায় নিম্নোক্ত উপ-ধারা সংযোজন করা হইবে- “কোন ব্যক্তি অটপজাতীয় কিনা এবং হইলে তিনি কোন সম্প্রদায়ের সদস্য তাহা সংশ্লিষ্ট মৌজার হেডম্যান/ইউনিয়ন পরিষদের চেয়ারম্যান/পৌরসভার চেয়ারম্যান কর্তৃক প্রদত্ত সার্টিফিকেট দাখিল সাপেক্ষে সংশ্লিষ্ট সার্কেলের চীফ স্থির করিবেন এবং এতদসম্পর্কে সার্কেল চীফের নিকট হইতে | আংশিক বাস্তবায়িত। এ বিষয়ে আইন, বিচার ও সংসদ বিষয়ক মন্ত্রণালয়ের মতামত গ্রহণ করা হয়। আইন, বিচার ও সংসদ বিষয়ক মন্ত্রণালয় পার্বত্য জেলা পরিষদের আইন পর্যালোচনাক্রমে “পার্বত্য জেলাসমূহের সংশ্লিষ্ট জেলা প্রশাসকগণ পার্বত্য জেলার অধিবাসীদের চাকরিসহ সকল প্রয়োজনে স্থায়ী বাসিন্দার সনদপত্র | অবাস্তবায়িত। চুক্তির উক্ত বিধান পার্বত্য জেলা পরিষদ আইনের ৪ নং ধারার নতুন উপ-ধারা (৫)-এ যথাযথভাবে সম্মিলিত হয়েছে। কিন্তু তা বাস্তবায়িত হয়নি।<br>পার্বত্য মন্ত্রণালয় কর্তৃক পার্বত্য জেলার জেলা প্রশাসক ও সার্কেল চীফদের নিকট প্রেরিত পত্রে [নং-পাচবিম (প-১) পাজেপ/সনদপত্র/৬২/৯৯-৫৮৭ এবং তারিখ : ২১/১২/২০০০খঃ] বর্ণিত হয় যে, “পার্বত্য চট্টগ্রামের তিন পার্বত্য জেলায় জেলা প্রশাসকগণের পাশাপাশি তিন সার্কেল চীফগণও চাকরি সংশ্লিষ্ট প্রয়োজনে নিজ নিজ অধিক্ষেত্রে স্থায়ী বাসিন্দার সনদপত্র ইস্যু করতে পারবেন।” উক্ত পত্রে যে নির্দেশনা দেওয়া হয়েছে তা পার্বত্য চট্টগ্রাম চুক্তি ও চুক্তির আলোকে প্রণীত পার্বত্য জেলা পরিষদ আইনের পরিপন্থী। |

| ধারা   | চুক্তির বিষয়   | সরকারের সর্বশেষ বক্তব্য   | জনসংহতি সমিতির মতামত   |  |
|--|---|---|--|--|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |   |   |  |  |
|  | প্রাপ্তি সার্টিফিকেট ব্যতীত কোন ব্যক্তি অউপজাতীয় হিসাবে কোন অউপজাতীয় সদস্য পদের জন্য প্রার্থী হইতে পারিবেন না”।   | প্রদান করতে পারবেন” মর্মে আইনগত মতামত ব্যক্ত করেছে।   | <p>উল্লেখ্য যে, তিনি পার্বত্য জেলার ডেপুটি কমিশনারগণ পার্বত্য জেলার স্থায়ী বাসিন্দা নন এমন অউপজাতীয় ব্যক্তিদেরকে স্থায়ী বাসিন্দা সনদপত্র দিয়ে চলেছেন। উক্তরূপ সনদপত্র বিশেষত চাকরি, জমি বন্দোবস্তী বা কোটা ব্যবস্থাধীনে শিক্ষা প্রতিষ্ঠানে ভর্তির ক্ষেত্রে ব্যবহৃত হয়ে আসছে। এতে পার্বত্য চট্টগ্রামের উপজাতীয় ও অউপজাতীয় স্থায়ী বাসিন্দাগণ চাকরি ও শিক্ষা প্রতিষ্ঠানে ভর্তির ক্ষেত্রে প্রাপ্য সুযোগ-সুবিধাদি হতে বরাবরই বাঞ্ছিত হচ্ছে।</p> <p>পার্বত্য চট্টগ্রাম অঞ্চলে ও পার্বত্য অঞ্চলের বাইরে অ-স্থানীয় অ-উপজাতীয় ব্যক্তিগণ কর্তৃক পার্বত্য জেলার ডেপুটি কমিশনারের নিকট হতে উক্ত ধরনের সার্টিফিকেট গ্রহণ প্রক্রিয়া বন্ধ করার জন্য ২৬ ডিসেম্বর ২০১০ খ্রিস্টাব্দ তারিখে পার্বত্য চট্টগ্রাম চুক্তি বাস্তবায়ন পরিবীক্ষণ কমিটির তৎকালীন আঙ্কারায়ক সৈয়দা সাজেদা চৌধুরীর সভাপতিত্বে পার্বত্য চট্টগ্রাম বিষয়ক মন্ত্রণালয়ের সভাকক্ষে অনুষ্ঠিত চুক্তি বাস্তবায়ন কমিটির সভায় বিশদভাবে আলোচনা-পর্যালোচনা হয় এবং ডেপুটি কমিশনার কর্তৃক সার্টিফিকেট প্রদান বাতিল করার করা হবে মর্মে সিদ্ধান্ত গৃহীত হয়।</p> <p>কিন্তু চুক্তি বাস্তবায়ন পরিবীক্ষণ কমিটির উক্ত সিদ্ধান্ত কার্যকর করার ক্ষেত্রে উদ্যোগ গ্রহণের দায়িত্ব পার্বত্য চট্টগ্রাম বিষয়ক মন্ত্রণালয়ের থাকলেও তা সিদ্ধান্ত কার্যকর করার জন্য আজ অবধি কোন উদ্যোগ গ্রহণ করা হয়নি।</p> <p>উল্লেখ্য যে, পার্বত্য চট্টগ্রাম শাসনবিধি ১৯০০-তে ‘অ-উপজাতীয় স্থায়ী বাসিন্দা সার্টিফিকেট’ প্রদান সম্পর্কিত কোন বিধান নেই এবং নভেম্বর ১৯৮৩ খ্রিস্টাব্দে মন্ত্রিপরিষদ বিভাগ কর্তৃক প্রণীত 'Charter of Duties of Deputy Commissioners' এর ১১ নং নির্দেশের (11. Licence and Certificates) ৫ উপ-নির্দেশে কেবল নাগরিকত্ব সার্টিফিকেট (v. Granting of domicile certificates) প্রদানের দায়িত্ব ডেপুটি কমিশনারগণকে দেওয়া হয়েছে।</p> <p>সুতরাং পার্বত্য জেলার ডেপুটি কমিশনারগণকে অ-উপজাতীয় স্থায়ী বাসিন্দা সার্টিফিকেট প্রদানের দায়িত্ব প্রদান করা সংক্রান্ত নির্দেশনা প্রত্যহার করা অপরিহার্য।</p> |  |
| খ.৫.   | ৭ নম্বর ধারায় বর্ণিত আছে যে, চেয়ারম্যান বা কোন সদস্যপদে নির্বাচিত ব্যক্তি তাঁহার কার্যভার গ্রহণের পূর্বে চট্টগ্রাম বিভাগের কমিশনারের সম্মুখে শপথ গ্রহণ বা ঘোষণা করিবেন। ইহা সংশোধন করিয়া “চট্টগ্রাম বিভাগের কমিশনার”-এর পরিবর্তে “হাই কোর্ট ডিভিশনের কোন বিচারপতি” কর্তৃক সদস্যরা শপথ গ্রহণ বা ঘোষণা করিবেন- অংশটুকু সংশ্লিষ্ট করা হইবে। | বাস্তবায়িত। পার্বত্য জেলা পরিষদ আইন সংশোধন করা হয়েছে। নির্বাচিত চেয়ারম্যান ও সদস্যদের কার্যভার গ্রহণের ক্ষেত্রে বিষয়টি অনুসরণযোগ্য। | অবাস্তবায়িত। এ বিধান বাস্তবায়ন করা হচ্ছে না।   |  |

| ধারা   | চুক্তির বিষয়  | সরকারের সর্বশেষ বক্তব্য   | জনসংহতি সমিতির মতামত  |
|--|--|---|---|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |  |   |   |
| খ.৬.   | ৮ নম্বর ধারার চতুর্থ পংক্তিতে অবস্থিত “চট্টগ্রাম বিভাগের কমিশনারের নিকট” শব্দগুলির পরিবর্তে “নির্বাচন বিধি অনুসারে” শব্দগুলি প্রতিস্থাপন করা হইবে।   | বাস্তবায়িত।  | বাস্তবায়িত।  |
| খ.৭.   | ১০ নম্বর ধারার দ্বিতীয় পংক্তিতে অবস্থিত “তিনি বৎসর” শব্দগুলির পরিবর্তে “পাঁচ বৎসর” শব্দগুলি প্রতিস্থাপন করা হইবে।   | বাস্তবায়িত। পার্বত্য জেলা পরিষদ আইনের ধারা ১০-এ পরিষদের মেয়াদ সংশোধিত হয়েছে। নির্বাচিত পরিষদের ক্ষেত্রে মেয়াদকালের বিষয়টি প্রয়োগযোগ্য। অন্তত অন্তর্বর্তী চেয়ারম্যান ও সদস্য নিয়োগের ক্ষেত্রে বিষয়টি প্রাসঙ্গিক নয়।  | অবাস্তবায়িত। নির্বাচিত পরিষদ গঠিত না হওয়ায় অন্তর্বর্তী পরিষদ দিয়ে অগণতাত্ত্বিকভাবে পরিচালিত হচ্ছে। যে দল ক্ষমতায় আসে সেই দল নিজেদের দলীয় লোকজন নিয়োগ দিয়ে ইচ্ছা মতো অন্তর্বর্তী পরিষদ পুনর্গঠন করে থাকে।  |
| খ.৮.   | ১৪ নম্বর ধারায় চেয়ারম্যানের পদ কোন কারণে শূন্য হইলে বা তাঁহার অনুপস্থিতিতে পরিষদের অন্যান্য সদস্যদের দ্বারা নির্বাচিত একজন উপজাতীয় সদস্য সভাপতিত্ব করিবেন এবং অন্যান্য দায়িত্ব পালন করিবেন বলিয়া বিধান থাকিবে।  | বাস্তবায়িত।  | বাস্তবায়িত।  |
| খ.৯.   | বিদ্যমান ১৭নং ধারা নিম্নে উল্লেখিত বাক্যগুলি দ্বারা প্রতিস্থাপিত হইবে : আইনের আওতায় কোন ব্যক্তি ভোটার তালিকাভুক্ত হওয়ার যোগ্য বলিয়া বিবেচিত হইতে পারিবেন যদি তিনি (১) বাংলাদেশের নাগরিক হন; (২) তাঁহার বয়স ১৮ বৎসরের কম না হয়; (৩) কোন উপযুক্ত আদালত তাহাকে মানসিকভাবে অসুস্থ ঘোষণা না করিয়া থাকেন; (৪) তিনি পার্বত্য জেলার স্থায়ী বাসিন্দা হন। | আংশিক বাস্তবায়িত। ১৯৯৮ সালে পার্বত্য জেলা পরিষদ আইন সংশোধন করা হয়েছে। পার্বত্য জেলায় ভূমি মালিকানা বা ভূমি বিরোধ নিষ্পত্তির বিষয়টি ভূমি কমিশন কর্তৃক বাস্তবায়নাধীন আছে বিধায় পার্বত্য জেলার স্থায়ী বাসিন্দা সংক্রান্ত বিধান অন্যতম। বিশেষ করে উনিশশো আশি দশকে সরকারি পরিকল্পনাধীনে প্রায় ৫ (পাঁচ) লক্ষ অট্টপাঞ্চাতিকে পার্বত্য চট্টগ্রাম অঞ্চলে স্থানান্তর করাতে জনসংখ্যাগত ভারসাম্য পরিবর্তিত হয়ে যায়। তাই চুক্তিতে এ ধরনের বিধান অন্তর্ভুক্ত করা অপরিহার্য হয়ে পড়ে। | অবাস্তবায়িত।<br>চুক্তির এ বিধান আইনের ১৭ ধারায় সন্নিবেশিত হয়েছে। তবে এ বিধান কার্যকর করা হয়নি। উল্লেখ্য, পার্বত্য চট্টগ্রাম অঞ্চলের পাহাড়ি অধ্যুষিত অঞ্চলের বৈশিষ্ট্য সংরক্ষণের জন্য চুক্তিতে যে সব বিধান সন্নিবেশিত হয়েছে তন্মধ্যে ভোটার হওয়ার যোগ্যতার ক্ষেত্রে স্থায়ী বাসিন্দা সংক্রান্ত বিধান অন্যতম।<br>২০০০ খ্রিস্টাব্দে পার্বত্য চট্টগ্রাম বিষয়ক মন্ত্রণালয় তিনটি পার্বত্য জেলা পরিষদের জন্য পার্বত্য জেলা ভোটার তালিকা বিধিমালা, ২০০০ এবং পার্বত্য জেলা পরিষদ চেয়ারম্যান ও সদস্যদের নির্বাচন বিধিমালা-২০০০ এর খসড়া প্রণয়ন করে। আইনের ৫৩ ধারা অনুসরণে আঞ্চলিক পরিষদ এসব বিধিমালার উপর সুপারিশ পেশ করে। পার্বত্য মন্ত্রণালয় তা আইন মন্ত্রণালয়ে প্রেরণ করে এবং আইন মন্ত্রণালয় বিষয়টি সম্পর্কে পার্বত্য চট্টগ্রাম আঞ্চলিক পরিষদ প্রতিনিয়ত পার্বত্য চট্টগ্রাম বিষয়ক মন্ত্রণালয় ও মাননীয় |

| ধারা  | চুক্তির বিষয়   | সরকারের সর্বশেষ বক্তব্য   | জনসংহতি সমিতির মতামত  |
|---|---|---|---|
| খ. পার্বত্য জেলা স্থানীয় সরকার পরিষদ/পার্বত্য জেলা পরিষদ |   |   |   |
|   |   |   | <p>প্রধানমন্ত্রীর কার্যালয়সহ সরকারের সংশ্লিষ্ট কর্তৃপক্ষের সাথে আলোচনা অব্যাহতভাবে চালিয়ে যাচ্ছে। তদ্বেক্ষিতে পার্বত্য মন্ত্রণালয় ২০০১ হতে বর্তমান পর্যন্ত (০২ ডিসেম্বর ২০১৭) আইন মন্ত্রণালয়ে বহু বার পত্র প্রেরণ করেছে। তবে উক্ত বিধিমালাসমূহ আজ অবধি প্রণীত হয়নি। এ বিধান ‘আংশিক বাস্তবায়িত’ হয়েছে মর্মে সরকারের অভিযন্ত সঠিক নয়।</p> <p>এ বিধান লজ্জন করে পার্বত্য জেলার ভোটার তালিকায় রোহিঙ্গাসহ বহিরাগতদেরও অন্তর্ভুক্ত করা হচ্ছে। পার্বত্য জেলা পরিষদের চেয়ারম্যান ও সদস্যদের নির্বাচন বিধিমালা এবং স্থায়ী বাসিন্দাদের নিয়ে ভোটার তালিকা বিধিমালা এখনো প্রণীত হয়নি। আঞ্চলিক পরিষদের অগোচরে তিন পার্বত্য জেলা পরিষদ আইনের ভোটাধিকার সংক্রান্ত ১৮নং ধারা চুক্তির সাথে বিরোধাত্মকভাবে সংশোধন (২০০০ সালের ৩৩, ৩৪ ও ৩৫নং আইন) করা হয়। প্রতিবাদ করা সত্ত্বেও আজ অবধি তা চুক্তির সাথে সঙ্গতিপূর্ণ করা হয়নি।</p> |
| খ.১০.   | ২০ নম্বর ধারার (২) উপ-ধারায় “নির্বাচনী এলাকা নির্ধারণ” শব্দগুলি স্বতন্ত্রভাবে সংযোজন করা হইবে।   | বাস্তবায়িত। পরিষদ আইনে বিষয়টি স্বতন্ত্রভাবে সংযোজন করা হয়েছে। নির্বাচন প্রক্রিয়া শুরু হলে অন্যান্য কার্যক্রমের সাথে নির্বাচনী এলাকা চূড়ান্ত হবে। | অবাস্তবায়িত। আইনে অন্তর্ভুক্ত করা হলেও এখনো “নির্বাচনী এলাকা নির্ধারণ” করা হয়নি।  |
| খ.১১.   | ২৫ নম্বর ধারার উপ-ধারা (২) এ পরিষদের সকল সভায় চেয়ারম্যান এবং তাঁহার অনুপস্থিতিতে অন্যান্য সদস্যগণ কর্তৃক একজন উপজাতীয় সদস্য সভাপতিত্ব করিবেন বলিয়া বিধান থাকিবে।  | বাস্তবায়িত।  | বাস্তবায়িত।  |
| খ.১২.   | যেহেতু খাগড়াছড়ি জেলার সমন্ত অঞ্চল মৎস্য সার্কেলের অন্তর্ভুক্ত নহে, সেহেতু খাগড়াছড়ি পার্বত্য জেলার আইনে ২৬ নম্বর ধারায় বর্ণিত “খাগড়াছড়ি মৎস্য চীফ” এর পরিবর্তে “মৎস্য সার্কেলের চীফ এবং চাকমা সার্কেলের চীফ” শব্দগুলি প্রতিস্থাপন করা হইবে। অনুরূপভাবে রাঙ্গামাটি পার্বত্য জেলা পরিষদের সভায় বোমাং সার্কেলের চীফেরও উপস্থিত থাকার সুযোগ রাখা হইবে। একইভাবে বান্দরবান জেলা পরিষদের সভায় বোমাং সার্কেলের চীফ ইচ্ছা করিলে বা আমন্ত্রিত হইলে পরিষদের সভায় যোগদান করিতে পারিবেন বলিয়া বিধান রাখা হইবে। | বাস্তবায়িত। পরিষদ আইনে যথাযথভাবে সংযোজন করা হয়েছে।  | অবাস্তবায়িত। পার্বত্য জেলা পরিষদের সভায় সংশ্লিষ্ট চীফের যোগদানের অধিকার থাকলেও এ বিধান অনুসারে সংশ্লিষ্ট সার্কেল চীফদের পরিষদের সভায় আমন্ত্রণ জানানো হয় না।   |

| ধারা   | চুক্তির বিষয়   | সরকারের সর্বশেষ বক্তব্য  | জনসংহতি সমিতির মতামত  |
|--|---|--|---|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |   |  |   |
| খ.১৩.  | ৩১ নম্বর ধারার উপ-ধারা (১) ও উপ-ধারা (২) এ পরিষদে সরকারের উপ-সচিব সমতুল্য একজন মুখ্য নির্বাহী কর্মকর্তা সচিব হিসাবে থাকিবেন এবং এই পদে উপজাতীয় কর্মকর্তাদের অগ্রাধিকার প্রদান করা হইবে বলিয়া বিধান থাকিবে।  | বাস্তবায়িত।   | আংশিক বাস্তবায়িত। অধিকাংশ ক্ষেত্রে পরিষদগুলোতে মুখ্য নির্বাহী কর্মকর্তা হিসেবে উপজাতীয় কর্মকর্তাদের প্রেষণে প্রেরণ করা হয়ে থাকে।   |
| খ.১৪.  | ক) ৩২ নম্বর ধারার উপ-ধারা (১) এ পরিষদের কার্যাদি সুষ্ঠুভাবে সম্পাদনের নিমিত্তে পরিষদ সরকারের অনুমোদনক্রমে, বিভিন্ন শ্রেণির কর্মকর্তা ও কর্মচারীর পদ সৃষ্টি করিতে পারিবে বলিয়া বিধান থাকিবে।  | বাস্তবায়িত। ১৯৯৮ সালে পার্বত্য জেলা পরিষদ আইন সংশোধন করা হয়েছে।  | বাস্তবায়িত।  |
|  | খ) ৩২ নম্বর ধারার উপ-ধারা (২) সংশোধন করিয়া নিম্নোক্তভাবে প্রণয়ন করা হইবে : “পরিষদ প্রবিধান অনুযায়ী তৃতীয় ও চতুর্থ শ্রেণির পদে কর্মচারী নিয়োগ করিতে পারিবে এবং তাঁদেরকে বদলি ও সাময়িক বরখাস্ত, বরখাস্ত, অপসারণ বা অন্য কোন প্রকার শাস্তি প্রদান করিতে পারিবে। তবে শর্ত থাকে যে, উক্ত নিয়োগের ক্ষেত্রে জেলার উপজাতীয় বাসিন্দাদের অগ্রাধিকার বজায় রাখিতে হইবে”। | বাস্তবায়িত। ১৯৯৮ সালে পার্বত্য জেলা পরিষদ আইন সংশোধন করা হয়েছে। চাকরির ক্ষেত্রে উপজাতীয়দের অগ্রাধিকার প্রদান করা হচ্ছে। কর্মচারী নিয়োগের ক্ষেত্রে স্বচ্ছতা বজায় রাখার জন্য মনিটরিং ব্যবস্থা জোরদার করা হবে। | আংশিক বাস্তবায়িত। চুক্তির এ সব বিধান পরিষদ আইনের ৩২ ধারার (১), (২), (৩) ও (৪) উপ-ধারায় যথাযথভাবে সন্তুষ্টিপূর্ণ হয়েছে। তবে বিধানটি যথাযথভাবে কার্যকর হচ্ছে না।<br>কিন্তু পার্বত্য জেলা পরিষদসমূহ নিজেদের সুবিধা অনুযায়ী বা নিজেদের মর্জি মাফিক গঠিত নিয়োগ কমিটি দ্বারা তৃতীয় ও চতুর্থ শ্রেণীর কর্মচারী নিয়োগ করে চলেছে। কোন কোন ক্ষেত্রে পার্বত্য জেলা পরিষদের বিধান অনুসৃত না করে দেশে বিদ্যমান সাধারণ নীতিমালা ভিত্তিক কোটা ব্যবস্থা অনুযায়ী তৃতীয় ও চতুর্থ শ্রেণীর কর্মচারী নিয়োগ করে চলেছে। তা ছাড়া ইউনিয়ন পরিষদের চেয়ারম্যান বা পৌরসভার চেয়ারম্যানের সার্টিফিকেটের ভিত্তিতে ডেপুটি কমিশনার কর্তৃক প্রদত্ত সার্টিফিকেটের মাধ্যমে অ-স্থানীয় অ-উপজাতি ব্যক্তিগণ পার্বত্য জেলা পরিষদের এ সব কর্মচারী পদে নিয়োগ লাভ করে থাকেন। ফলে স্থানীয় অধিবাসীগণ তাদের যথাযথ অধিকার থেকে বঞ্চিত হচ্ছেন।<br>পরিষদের অন্যান্য পদে অর্থাৎ প্রথম ও দ্বিতীয় শ্রেণীর কর্মকর্তা পদে সরকার কর্তৃক অধিকাংশ সময়ে অ-স্থানীয় অ-উপজাতীয় কর্মকর্তাকে প্রেষণে নিয়োগ করা হয়ে থাকে। ফলে যে উদ্দেশ্যে এ বিধানটি চুক্তিতে ও আইনে সন্তুষ্টিপূর্ণ হয়েছে তা যথাযথভাবে বাস্তবায়িত হতে পারেনি। এ বিধান ‘সম্পূর্ণ বাস্তবায়িত’ হয়েছে মর্মে সরকারের অভিমত সঠিক নয়।<br>বর্তমান মহাজাট সরকারের আমলে তিন পার্বত্য জেলায় ৩য় ও ৪য় শ্রেণির কর্মচারী নিয়োগের ক্ষেত্রে চরম দুর্নীতি ও দলীয়করণের মাধ্যমে বহিরাগত লোকদের নিয়োগ দিয়ে চলেছে। ২০১০ সালে বান্দরবান পার্বত্য জেলা পরিষদের উদ্যোগে ২০ জন প্রধান শিক্ষক পদের মধ্যে ১৮ জন বাঙালি ও ২ জন পাহাড়ি নিয়োগ দেওয়া হয়েছে, যা এ বিধান লংঘনের একটি উজ্জ্বল দৃষ্টান্ত। |

| ধারা   | চুক্তির বিষয়  | সরকারের সর্বশেষ বক্তব্য  | জনসংহতি সমিতির মতামত   |
|--|--|--|--|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |  |  |  |
|  | গ) ৩২ নম্বর ধারার উপ-ধারা (৩) এ পরিষদের অন্যান্য পদে সরকার পরিষদের পরামর্শক্রমে বিধি অনুযায়ী কর্মকর্তা নিয়োগ করিতে পারিবে এবং এই সকল কর্মকর্তাকে সরকার অন্য বদলি, সাময়িক বরখাস্ত, বরখাস্ত, অপসারণ অথবা অন্য কোন প্রকার শাস্তি প্রদান করিতে পারিবে বলিয়া বিধান থাকিবে।                    | বাস্তবায়িত। সরকার পরিষদের পরামর্শক্রমে কর্মকর্তা নিয়োগ করে থাকে।   | বাস্তবায়িত।   |
| খ.১৫.  | ৩৩ নম্বর ধারার উপ-ধারা (৩) এ বিধি অনুযায়ী হইবে বলিয়া উল্লেখ থাকিবে।  | বাস্তবায়িত।   | বাস্তবায়িত।   |
| খ.১৬.  | ৩৬ নম্বর ধারার উপ-ধারা (১) এর তৃতীয় পংক্তিতে অবস্থিত ‘অথবা সরকার কর্তৃক নির্ধারিত অন্য কোন প্রকারে’ শব্দগুলি বিলুপ্ত করা হইবে।  | বাস্তবায়িত।   | বাস্তবায়িত।   |
| খ.১৭.  | ক) ৩৭ নম্বর ধারার (১) উপ-ধারার চতুর্থত এর মূল আইন বলবৎ থাকিবে।<br>খ) ৩৭ নম্বর ধারার (২) উপধারা (ঘ)তে বিধি অনুযায়ী হইবে বলিয়া উল্লেখিত হইবে।  | বাস্তবায়িত।   | বাস্তবায়িত।   |
| খ.১৮.  | ৩৮ নম্বর ধারার উপ-ধারা (৩) বাতিল করা হইবে এবং উপ-ধারা (৪) সংশোধন করিয়া নিম্নোক্তভাবে এই উপ-ধারা প্রণয়ন করা হইবে :<br>কোন অর্থ বৎসর শেষ হইবার পূর্বে যে কোন সময় সেই অর্থ বৎসরের জন্য, প্রয়োজন হইলে, একটি বাজেট প্রণয়ন ও অনুমোদন করা যাইবে।   | বাস্তবায়িত।   | বাস্তবায়িত।   |
| খ.১৯.  | ৪২ নম্বর ধারায় নিম্নোক্ত উপ-ধারা সংযোজন করা হইবে : পরিষদ সরকার হইতে প্রাপ্য অর্থে হস্তান্তরিত বিষয়সমূহের উন্নয়ন প্রকল্প প্রণয়ন, গ্রহণ ও বাস্তবায়ন করিতে পারিবে এবং জাতীয় পর্যায়ে গৃহীত সকল উন্নয়ন কার্যক্রম পরিষদের মাধ্যমে সংশ্লিষ্ট মন্ত্রণালয়/বিভাগ/প্রতিষ্ঠান বাস্তবায়ন করিবে। | আংশিক বাস্তবায়িত। ১৯৯৮ সালে পার্বত্য জেলা পরিষদ আইন সংশোধন করা হয়েছে। জেলা পরিষদকে জন-প্রতিনিধিত্বশীল মূল প্রতিষ্ঠান হিসেবে বিবেচনা করে পার্বত্য জেলাবাসীর স্বার্থে জনমুখী উন্নয়ন কার্যক্রম পার্বত্য জেলা পরিষদের মাধ্যমে বাস্তবায়ন করা হচ্ছে। | অবাস্তবায়িত। উন্নয়ন সংক্রান্ত বিধান যথাযথভাবে আইনে সন্তুষ্টিপূর্ণ করা হয়নি। উন্নয়নের ক্ষেত্রে তিন পার্বত্য জেলা পরিষদের উন্নয়ন কার্যক্রম পার্বত্য চট্টগ্রাম বিষয়ক মন্ত্রণালয়ের অনুমোদন সাপেক্ষে বাস্তবায়িত হয়ে থাকে। এছাড়া আঞ্চলিক পরিষদ ও পার্বত্য জেলা পরিষদসমূহকে পাশ কাটিয়ে পার্বত্য চট্টগ্রাম উন্নয়ন বোর্ডের মাধ্যমে পার্বত্য চট্টগ্রাম বিষয়ক মন্ত্রণালয়ের অনুমোদন নিয়ে অধিকাংশ উন্নয়ন প্রকল্প বাস্তবায়িত হয়ে থাকে।<br>প্রসঙ্গত উল্লেখ্য যে, পার্বত্য চট্টগ্রাম আঞ্চলিক পরিষদ পার্বত্য চট্টগ্রাম উন্নয়ন বোর্ডসহ তিন পার্বত্য জেলা পরিষদের উন্নয়ন কার্যক্রম তত্ত্বাবধান ও সমন্বয় সাধন করতে পারে। কিন্তু পার্বত্য জেলা পরিষদ আইনের ও |

| ধারা   | চুক্তির বিষয়  | সরকারের সর্বশেষ বক্তব্য  | জনসংহতি সমিতির মতামত  |
|--|--|--|---|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |  |  |   |
|  |  | জাতীয় পর্যায়ে গৃহীত সকল উন্নয়ন কার্যক্রম সংশ্লিষ্ট বিভাগের স্থানীয় স্ব স্ব অফিসের মাধ্যমে না হয়ে যাতে জেলা পরিষদের মাধ্যমে হয় সে ব্যাপারে প্রচেষ্টা অব্যাহত আছে। | আঞ্চলিক পরিষদ আইনের এ বিধানাবলী লংঘন করা হচ্ছে। তাই এ বিধান আজ অবধি বাস্তবায়িত হয়নি। এ বিধান ‘আংশিক বাস্তবায়িত’ হয়েছে মর্মে সরকারের অভিমত সঠিক নয়।   |
| খ.২০.  | ৪৫ নম্বর ধারার উপ-ধারা (২) এর দ্বিতীয় পংক্তিতে অবস্থিত “সরকার” শব্দটির পরিবর্তে “পরিষদ” শব্দটি প্রতিস্থাপন করা হইবে।  | বাস্তবায়িত।   | বাস্তবায়িত।  |
| খ.২১.  | ৫০, ৫১ ও ৫২ নম্বর ধারাগুলি বাতিল করিয়া তদ্পরিবর্তে নিম্নোক্ত ধারা প্রয়োগ করা হইবে : এই আইনের উদ্দেশ্যের সহিত পরিষদের কার্যকলাপের সামঞ্জস্য সাধনের নিশ্চয়তা বিধানকল্পে সরকার প্রয়োজনে পরিষদকে পরামর্শ প্রদান বা অনুশাসন করিতে পারিবে। সরকার যদি নিশ্চিতভাবে এইরূপ প্রমাণ লাভ করিয়া থাকে যে, পরিষদ বা পরিষদের পক্ষে কৃত বা প্রস্তাবিত কোন কাজকর্ম আইনের সহিত সঙ্গতিপূর্ণ নহে অথবা জনস্বার্থের পরিপন্থী, তাহা হইলে সরকার লিখিতভাবে সংশ্লিষ্ট বিষয়ে পরিষদের নিকট হইতে তথ্য ও ব্যাখ্যা চাহিতে পারিবে, এবং পরামর্শ বা নির্দেশ প্রদান করিতে পারিবে। | বাস্তবায়িত।   |   |
| খ.২২.  | ৫৩ ধারার (৩) উপ-ধারার “বাতিল থাকার মেয়াদ শেষ হইলে” শব্দগুলি বাতিল করিয়া তদ্পরিবর্তে “এই আইন” শব্দটির পূর্বে “পরিষদ বাতিল হইলে নবই দিনের মধ্যে” শব্দগুলি সন্তুষ্টিশীল করা হইবে।   | বাস্তবায়িত। পরিষদ বাতিল হওয়ার নবই দিনের মধ্যে পরিষদ পুনর্গঠন সম্পর্কিত বিধান পার্বত্য জেলা পরিষদ আইনে সংশোধিত হয়েছে।  | সংশ্লিষ্ট বিধানটি সংশোধন করা হয়েছে। তবে বাতিলাদেশ সরকারি গেজেটে প্রকাশিত হওয়ার নবই দিনের মধ্যে এই আইন ও বিধি মোতাবেক পরিষদ পুনর্গঠিত হওয়ার বিধান থাকলেও সরকার নির্বাচন অনুষ্ঠিত না করে দলীয় লোকজনদের নিয়োগ দিয়ে অনিবাচিত অর্তবতী পরিষদের মাধ্যমে পরিচালনা করছে। |
| খ.২৩.  | ৬১ নম্বর ধারার তৃতীয় ও চতুর্থ পংক্তিতে অবস্থিত “সরকারের” শব্দটির পরিবর্তে “মন্ত্রণালয়ের” শব্দটি প্রতিস্থাপন করা হইবে।  | বাস্তবায়িত।   | বাস্তবায়িত।  |

| ধারা   | চুক্তির বিষয়   | সরকারের সর্বশেষ বক্তব্য   | জনসংহতি সমিতির মতামত  |
|--|---|---|---|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |   |   |   |
| খ.২৪.  | <p>ক) ৬২ নম্বর ধারার উপ-ধারা (১) সংশোধন করিয়া নিম্নোক্তভাবে এই উপ-ধারাটি প্রণয়ন করা হইবে : আপাততঃ বলবৎ অন্য কোন আইনে যাহা কিছুই থাকুক না কেন, পার্বত্য জেলা পুলিশের সাব-ইন্সপেক্টর ও তদনিম্ন স্তরের সকল সদস্য প্রবিধান দ্বারা নির্ধারিত পদ্ধতিতে পরিষদ কর্তৃক নিযুক্ত হইবেন এবং পরিষদ তাঁহাদের বদলি ও প্রবিধান দ্বারা নির্ধারিত পদ্ধতিতে তাঁহাদের বিরুদ্ধে শাস্তিমূলক ব্যবস্থা গ্রহণ করিতে পারবে।</p> <p>তবে শর্ত থাকে যে, উক্ত নিয়োগের ক্ষেত্রে জেলার উপজাতীয়দের অঞ্চাধিকার বজায় রাখিতে হইবে।</p> | <p>আংশিক বাস্তবায়িত। স্বরাষ্ট্র মন্ত্রণালয় পুলিশ বাহিনীতে লোক নিয়োগের ক্ষেত্রে ০৪/৯/২০১০ খ্রি: তারিখে জারীকৃত স্থঘঃ/পু-২/বিবিধ-১/২০০৫/৯৮০ নং স্মারকে উপ-জাতীয় পুরুষ প্রার্থীদের উচ্চতার ক্ষেত্রে ৫'-৬" এর ছলে ৫'-৮" শিথিলকরণ এবং মহিলা প্রার্থীদের ক্ষেত্রে উচ্চতা বিদ্যমান ৫'-২" রাখার জন্য সম্মতি জ্ঞাপন করেছে।</p> <p>এবং তা প্রতিপালন করা হচ্ছে।</p> <p>তবে, তিন পার্বত্য জেলায় মিশ্র-পুলিশ ব্যবস্থা বজায় রাখার উদ্দেশ্যে উপজাতীয় পুলিশ নিয়োগ প্রদান শুরু হয়েছে।</p> | <p>অন্তর্ভুক্ত হলেও আইন অনুযায়ী সংশ্লিষ্ট ক্ষমতা পার্বত্য জেলা পরিষদের মাধ্যমে কার্যকরী করার ব্যবস্থা গ্রহণ করা হয়নি। এখনো পর্যন্ত উপজাতীয়দের অঞ্চাধিকার ভিত্তিতে স্থায়ী বাসিন্দাদের নিয়ে পার্বত্য জেলা পুলিশবাহিনী গঠিত হয়নি। অপরদিকে পূর্বে মতো পুলিশের উর্ধ্বতন কর্তৃপক্ষ কর্তৃক পুলিশবাহিনীর বদলি, শাস্তিমূলক ব্যবস্থা ইত্যাদি ক্ষমতা সরাসরি প্রয়োগ করা হয়ে আসছে।</p> <p>উল্লেখ্য, ১২-৭-১৯৮৯ জেলা পুলিশ বিষয়টি নির্বাহী আদেশের মাধ্যমে স্বরাষ্ট্র মন্ত্রণালয় কর্তৃক তিন পার্বত্য জেলা পরিষদের নিকট হস্তান্তরিত হয়েছে। তবে হস্তান্তরিত হওয়ার এক সপ্তাহ পরে তা বাতিল করা হয়। এই বিধানাবলী ‘আংশিক বাস্তবায়িত’ হয়েছে উল্লেখ করে “তিন পার্বত্য জেলায় মিশ্র-পুলিশ ব্যবস্থা বজায় রাখার উদ্দেশ্যে উপজাতীয় পুলিশ নিয়োগ প্রদান শুরু হয়েছে” বলে সরকার যে দাবি করেছে, তা সঠিক নয়। মিশ্র পুলিশ বাহিনী গঠন বিধি সম্মত নহে।</p> <p>উল্লেখ্য, সাম্প্রতিককালে স্বরাষ্ট্র মন্ত্রণালয় পার্বত্য চট্টগ্রাম চুক্তির ও তিন পার্বত্য জেলা পরিষদ আইনের বিধানাবলী লংঘন করে পার্বত্য চট্টগ্রাম অঞ্চলের তিন পার্বত্য জেলার আইন-শংখলা নিয়ন্ত্রণ করবার কার্যক্রম হাতে নিয়েছে এবং র্যাপিড এ্যাকশন ব্যাটালিয়ন (র্যাব) নিয়োগ করেছে। ইহা চুক্তি ও পার্বত্য জেলা পরিষদ আইনের পরিপন্থী। এতে চুক্তি বাস্তবায়ন কার্যক্রম বাধাগ্রস্ত হবে।</p> |
|  | <p>খ) ৬২ নম্বর ধারার উপ-ধারা (৩) এর দ্বিতীয় পংক্তিতে অবস্থিত “আপাততঃ বলবৎ অন্য সকল আইনের বিধান সাপেক্ষে” শব্দগুলি বাতিল করিয়া তদ্পরিবর্তে “যথা আইন ও বিধি অনুযায়ী” শব্দগুলো প্রতিস্থাপন করা হইবে।</p>  | আংশিক বাস্তবায়িত।  | অবাস্তবায়িত। পার্বত্য জেলা পুলিশের সকল স্তরের কর্মকর্তা ও সদস্যগণ তাঁদের দায়িত্ব ও কর্তব্য পালনের ব্যাপারে এতদ্সংশ্লিষ্ট অন্যান্য আইনের বিধান অনুযায়ী, প্রয়োজনীয় অভিযোজনসহ, পরিষদের কাছে দায়ী থাকার বিধান কার্যকর হয়নি।  |
| খ.২৫.  | ৬৩ নম্বর ধারার তৃতীয় পংক্তিতে অবস্থিত “সহায়তা দান করা” শব্দগুলি বলবৎ থাকিবে।  | বাস্তবায়িত। পুলিশ বিভাগ পরিষদের চেয়ারম্যান ও কর্মকর্তাগণকে আইনানুগ কর্তৃত প্রয়োগে সহায়তা দান করে যাচ্ছে।  | অবাস্তবায়িত। পার্বত্য জেলায় সংঘটিত অপরাধ সম্পর্কে পরিষদের চেয়ারম্যানকে অবহিত করা এবং পরিষদের চেয়ারম্যান ও কর্মকর্তাদেরকে আইনানুগ কর্তৃত প্রয়োগে সহায়তা দান করা সকল পুলিশ কর্মকর্তার দায়িত্ব হবে মর্মে বিধান হলেও তা কার্যকর হয়নি।   |
| খ.২৬.  | <p>৬৪ নম্বর ধারা সংশোধন করিয়া নিম্নোক্তভাবে এই ধারাটি প্রণয়ন করা হইবে :</p> <p>(ক) আপাততঃ বলবৎ অন্য কোন আইনে যাহা কিছুই থাকুক না কেন, পার্বত্য জেলার এলাকাধীন বন্দোবস্তযোগ্য খাসজমিসহ কোন জায়গা-জমি পরিষদের পূর্বানুমোদন ব্যতিরেকে ইজারা প্রদানসহ বন্দোবস্ত, ক্রয়, বিক্রয় ও হস্তান্তর করা যাইবে না।</p>  | বাস্তবায়ন চলমান রয়েছে। ১৯৯৮ সালে পার্বত্য জেলা পরিষদ আইন সংশোধন করা হয়েছে। পরিষদের পূর্বানুমোদন নিয়ে জায়গা-জমির বন্দোবস্ত, ক্রয়, বিক্রয় ও হস্তান্তর করা হয়। তবে বিশেষ ক্ষেত্রে ব্যতীত (শিক্ষা প্রতিষ্ঠান, ধর্মীয় প্রতিষ্ঠান, শাশান, কবরস্থান, সরকারী দণ্ডের ও স্কাউট ভবন, মুক্তিযোদ্ধা কমপ্লেক্স, স্থানীয় পর্যটন-জেলা পরিষদের ব্যবস্থাপনায়)  | <p>অবাস্তবায়িত। বিধানটি আইনে অন্তর্ভুক্ত করা হলেও যথাযথভাবে কার্যকর করা হচ্ছে না। আজ অবধি উক্ত বিষয় ও ক্ষমতা পার্বত্য জেলা পরিষদে হস্তান্তর করা হয়নি। ১৯০০ সালের পার্বত্য চট্টগ্রাম শাসনবিধি দোহাই দিয়ে পার্বত্য জেলা পরিষদের পূর্বানুমোদন ব্যতীত ডেপুটি কমিশনারগণ নামজারি, ইজারা ও বন্দোবস্ত প্রদান প্রক্রিয়া চালিয়ে যাচ্ছেন।</p> <p>এই বিধান অনুসারে তিন পার্বত্য জেলা পরিষদের পূর্বানুমোদন নিয়ে জায়গা-জমির বন্দোবস্ত, ক্রয়, বিক্রয়, হস্তান্তর ও অধিগ্রহণ করা হয় বলে সরকারের পক্ষ থেকে মতামত দেয়া হলেও তা বিধিসম্মত নয়। চুক্তির ‘খ’ খণ্ডের ৩৪(ক) ধারা মোতাবেক ‘ভূমি ও ভূমি ব্যবস্থাপনা’ বিষয়টি পার্বত্য জেলা পরিষদের আওতাধীন অন্যতম একটা বিষয়। কিন্তু আজ অবধি উক্ত বিষয় পার্বত্য জেলা পরিষদের নিকট হস্তান্তর করা</p>  |

| ধারা   | চুক্তির বিষয়  | সরকারের সর্বশেষ বক্তব্য   | জনসংহতি সমিতির মতামত   |
|--|--|---|--|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |  |   |  |
|  | তবে শর্ত থাকে যে, রাক্ষিত (Reserved) বনাধ্বল, কাঞ্চাই জলবিদ্যুৎ প্রকল্প এলাকা, বেতবুনিয়া ভূ-উপগ্রহ এলাকা, রাষ্ট্রীয় শিল্প কারখানা ও সরকারের নামে রেকর্ডকৃত ভূমির ক্ষেত্রে এই বিধান প্রযোজ্য হইবে না।   | পাচবিম(প-১)-পাঃজেলা/বিবিধ/৮৫/২০০০-২৮০, তারিখ: ২৩/১০/০১ খ্রি: মোতাবেক ভূমি বন্দোবস্ত স্থগিত রয়েছে।  | হয়নি বিধায় বিষয়টি পরিচালনার্থে এ সংক্রান্ত প্রবিধান প্রণয়ন করাও সম্ভব হয়নি।<br>অপরদিকে ১৯০০ সালের পার্বত্য চট্টগ্রাম শাসনবিধি অনুসরণে ডেপুটি কমিশনারগণ অবৈধভাবে নামজারি, অধিগ্রহণ, ইজারা ও বন্দোবস্ত প্রদান প্রক্রিয়া চালিয়ে যাচ্ছেন।   |
|  | (খ) আপাততঃ বলবৎ অন্য কোন আইনে যাহা কিছুই থাকুক না কেন, পার্বত্য জেলা পরিষদের নিয়ন্ত্রণ ও আওতাধীন কোন প্রকারের জমি, পাহাড় ও বনাধ্বল পরিষদের সাথে আলোচনা ও ইহার সম্মতি ব্যতিরেকে সরকার কর্তৃক অধিগ্রহণ ও হস্তান্তর করা যাইবে না।   | বাস্তবায়ন চলমান রয়েছে। ১৯৯৮ সালে পার্বত্য জেলা পরিষদ আইন সংশোধন করা হয়েছে। পরিষদের পূর্বানুমোদন নিয়ে জায়গা-জমির বন্দোবস্ত, ত্রয়, বিক্রয় ও হস্তান্তর করা হয়। | অবাস্তবায়িত। ১৯০০ সালের পার্বত্য চট্টগ্রাম শাসনবিধি দোহাই দিয়ে পরিষদের সাথে আলোচনা ও সম্মতি ব্যতিরেকে ডেপুটি কমিশনারগণ অধিগ্রহণের প্রক্রিয়া চালিয়ে যাচ্ছেন। বনায়ন ও সেটেলারদের গুচ্ছগাম সম্প্রসারণ এবং পর্যটন কেন্দ্র, সেনা ক্যাম্প ও প্রশিক্ষণ কেন্দ্র স্থাপন ও সম্প্রসারণের নামে হাজার হাজার একর জমি অধিগ্রহণ করা হচ্ছে।  |
|  | (গ) পরিষদ হেডম্যান, চেইনম্যান, আমিন, সার্ভেয়ার, কানুনগো ও সহকারী কমিশনার (ভূমি) দের কার্যাদি তত্ত্বাবধান ও নিয়ন্ত্রণ করিতে পারিবে।   | বাস্তবায়ন চলমান রয়েছে।  | অবাস্তবায়িত। হেডম্যান, চেইনম্যান, আমিন, সার্ভেয়ার, কানুনগো ও সহকারী কমিশনার (ভূমি)-দের কার্যাদি পার্বত্য জেলা পরিষদের তত্ত্বাবধান ও নিয়ন্ত্রণাধীন করা হয়নি। ১৯০০ সালের পার্বত্য চট্টগ্রাম শাসনবিধি অনুসরণে ডেপুটি কমিশনারগণ অবৈধভাবে নিয়ন্ত্রণ করে চলেছেন।  |
|  | (ঘ) কাঞ্চাই হুদ্দের জলেভাসা (Fringe Land) জমি অধাধিকার ভিত্তিতে জমির মূল মালিকদেরকে বন্দোবস্ত দেওয়া হইবে।   | বাস্তবায়ন চলমান রয়েছে।  | যেহেতু ভূমি ও ভূমি ব্যবস্থাপনা পার্বত্য জেলা পরিষদে হস্তান্তরিত হয়নি তাই এধারা বাস্তবায়িত হয়নি।<br>বহিরাগত অউপজাতীয়দেরকেও জলেভাসা জমি বন্দোবস্ত জেলা প্রশাসন থেকে দেওয়া হচ্ছে।  |
| খ.২৭.  | ৬৫ নম্বর ধারা সংশোধন করিয়া নিম্নোক্তভাবে এই ধারা প্রণয়ন করা হইবে : আপাততঃ বলবৎ অন্য কোন আইনে যাহা কিছুই থাকুক না কেন, জেলার ভূমি উন্নয়ন কর আদায়ের দায়িত্ব পরিষদের হস্তে ন্যস্ত থাকিবে এবং জেলায় আদায়কৃত উক্ত কর পরিষদের তহবিলে থাকিবে।  | আংশিক বাস্তবায়িত। ১৯৯৮ সালে পার্বত্য জেলা পরিষদ আইন সংশোধন করা হয়েছে।<br>তবে বিধানের প্রয়োগ হয়নি। এই ব্যাপারে বিধি/প্রবিধান প্রণয়ন হতে পারে।                   | অবাস্তবায়িত। জেলার ভূমি উন্নয়ন কর আদায়ের দায়িত্ব পরিষদের হস্তে এখনো ন্যস্ত করা হয়নি। এ ক্ষমতা এখনো ডেপুটি কমিশনারগণ প্রয়োগ করে চলেছেন।<br>প্রচলিত আইন, রীতি ও পদ্ধতি অনুসারে কর বা খাজনা আদায় করার দায়িত্ব হলো স্ব মৌজার মৌজা হেডম্যানের। কিন্তু ইদানীংকালে কর বা খাজনা মৌজা হেডম্যানের কাছে জমা না দিয়ে ট্রেজারি চালানের মাধ্যমে জেলা প্রশাসনের নিকট ভূমি উন্নয়ন কর প্রদান করা হচ্ছে যা বিধিসম্মত নয়।<br>এ বিধান বাস্তবায়িত হয়নি। এ বিধান ‘আংশিক বাস্তবায়িত’ হয়েছে বলে সরকারের অভিমত সঠিক নয়। |
| খ.২৮.  | ৬৭ নম্বর ধারা সংশোধন করিয়া নিম্নোক্তভাবে এই ধারা প্রণয়ন করা হইবে : পরিষদ এবং সরকারি কর্তৃপক্ষের কার্যাবলীর মধ্যে সমঘয়ের প্রয়োজন দেখা দিলে সরকার বা পরিষদ নির্দিষ্ট বিষয়ে প্রস্তাব উত্থাপন করিবে এবং পরিষদ ও সরকারের মধ্যে পারস্পরিক যোগাযোগের মাধ্যমে কাজের সময় বিধান করা যাইবে। | বাস্তবায়িত। শর্তানুযায়ী ১৯৯৮ সালে পার্বত্য জেলা পরিষদ আইন সংশোধন করা হয়েছে।<br>বিষয়টি যথানিয়মে বাস্তবায়ন করা হয়।   | অবাস্তবায়িত।  |

| ধারা   | চুক্তির বিষয়  | সরকারের সর্বশেষ বক্তব্য   | জনসংহতি সমিতির মতামত  |
|--|--|---|---|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |  |   |   |
| খ.২৯.  | ৬৮ নম্বর ধারার উপ-ধারা (১) সংশোধন করিয়া নিম্নোক্তভাবে এই উপ-ধারা প্রণয়ন করা হইবে : এই আইনের উদ্দেশ্য পূরণকল্পে সরকার, সরকারি গেজেটে প্রজ্ঞাপন দ্বারা পরিষদের সাথে আলোচনাক্রমে বিধি প্রণয়ন করিতে পারিবে এবং কোন বিধি প্রণীত হওয়ার পরেও উক্ত বিধি পুনর্বিবেচনার্থে পরিষদ কর্তৃক সরকারের নিকট আবেদন করিবার বিশেষ অধিকার থাকিবে।   | বাস্তবায়ন চলমান রয়েছে। তিন জেলা পরিষদ কর্তৃক প্রণীত প্রবিধানমালা অর্থ মন্ত্রণালয়ে প্রেরণ করা হলে উক্ত মন্ত্রণালয় ৯/৫/১১ তারিখে ০৭.১৩০.০২২.০০.০০.০১৮.২০১০ -৩০ নম্বর স্মারকমূলে নির্ধারিত ছক মোতাবেক তথ্যাদি প্রেরণের জন্য অনুরোধ জানায়। তৎপ্রেক্ষিতে ২৬/৫/২০১১ খ্রি: তারিখে অর্থ মন্ত্রণালয়ের প্রেরিত ছক মোতাবেক চাহিত তথ্যাদি প্রেরণের জন্য তিন পার্বত্য জেলা পরিষদে পত্র প্রেরণ করা হয়। সে প্রেক্ষিতে রাঙামাটি পার্বত্য জেলা পরিষদ হতে প্রবিধানের বিষয়ে মতামত পাওয়া গিয়েছে যা গত ১৮/০৯/২০১২ তারিখে অর্থ বিভাগে প্রেরণ করা হয়েছে। বান্দরবান পার্বত্য জেলা পরিষদ হতে প্রাপ্ত তথ্যাদির উপর মতামত প্রদানের জন্য গত ০৫/১২/১২ তারিখে অর্থ বিভাগ, অর্থ মন্ত্রণালয়ে প্রেরণ করা হয়েছে। | অবাস্তবায়িত। আইনের আলোকে পার্বত্য জেলা পরিষদ অর্পিত বিষয়াদির উপর প্রবিধান প্রণয়ন করতে পারে। কিন্তু সরকার Rules of Business 1996 এর দোহাই দিয়ে পরিষদ কর্তৃক প্রবিধান প্রণয়নে আপত্তি উত্থাপন করছে। |
| খ.৩০.  | ক) ৬৯ ধারার উপ-ধারা (১) এর প্রথম ও দ্বিতীয় পংক্তিতে অবস্থিত “সরকারের পূর্বানুমোদনক্রমে” শব্দগুলি বিলুপ্ত এবং তৃতীয় পংক্তিতে অবস্থিত “করিতে পারিবে” এই শব্দগুলির পরে নিম্নোক্ত অংশটুকু সন্তুবেশ করা হইবে : তবে শর্ত থাকে যে, প্রণীত প্রবিধানের কোন অংশ সম্পর্কে সরকার যদি মতভিন্নতা পোষণ করে তাহা হইলে সরকার উক্ত প্রবিধান সংশোধনের জন্য পরামর্শ দিতে বা অনুশাসন করিতে পারিবে।<br>খ) ৬৯ নম্বর ধারার উপ-ধারা (২) এর (জ) এ উল্লেখিত “পরিষদের কোন কর্মকর্তাকে চেয়ারম্যানের ক্ষমতা অর্পণ”- এই শব্দগুলি বিলুপ্ত করা হইবে। | বাস্তবায়িত।  | বাস্তবায়িত।  |

| ধারা   | চুক্তির বিষয়   | সরকারের সর্বশেষ বক্তব্য  | জনসংহতি সমিতির মতামত  |
|--|---|--|---|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |   |  |   |
| খ.৩১.  | ৭০ নম্বর ধারা বিলুপ্ত করা হইবে।   | বাস্তবায়িত।   | বাস্তবায়িত।  |
| খ.৩২.  | ৭৯ নম্বর ধারা সংশোধন করিয়া নিম্নোক্তভাবে<br>এই ধারা প্রণয়ন করা হইবে : পার্বত্য জেলায়<br>প্রয়োজ্য জাতীয় সংসদ বা অন্য কোন কর্তৃপক্ষ<br>কর্তৃক গৃহীত কোন আইন পরিষদের বিবেচনায়<br>উক্ত জেলার জন্য কষ্টকর হইলে বা<br>উপজাতীয়দের জন্য আপত্তিকর হইলে পরিষদ<br>উহা কষ্টকর বা আপত্তিকর হওয়ার কারণ ব্যক্ত<br>করিয়া আইনটির সংশোধন বা প্রয়োগ শিথিল<br>করিবার জন্য সরকারের নিকট লিখিত আবেদন<br>পেশ করিতে পারিবে এবং সরকার এই<br>আবেদন অনুযায়ী প্রতিকারমূলক পদক্ষেপ গ্রহণ<br>করিতে পারিবে। | বাস্তবায়িত।   | অবাস্তবায়িত। জনগণের প্রত্যক্ষ ভোটে নির্বাচিত পূর্ণাঙ্গ পার্বত্য জেলা পরিষদ গঠিত না করে সরকার দলীয় লোকজনদেরকে পরিষদের চেয়ারম্যান-সদস্য হিসেবে নিয়োগ দিয়ে অন্তর্ভুক্ত পরিষদ পরিচালনা করছে।<br>ফলে কোন আইন উক্ত জেলার জন্য কষ্টকর হলে বা আপত্তিকর হলেও পরিষদ উক্ত আইনটির সংশোধন বা<br>প্রয়োগ শিথিল করার জন্য সরকারের কাছে আবেদন পেশ এবং প্রতিকারমূলক পদক্ষেপ গ্রহণ করে না। |
| খ.৩৩.  | ক) প্রথম তফসিল বর্ণিত পরিষদের কার্যাবলীর<br>১ নম্বর “শৃঙ্খলা” শব্দটির পরে “তত্ত্বাবধান”<br>শব্দটি সন্নিবেশ করা হইবে।<br>খ) পরিষদের কার্যাবলীর ৩ নম্বরে নিম্নোক্ত<br>বিষয়সমূহ সংযোজন করা হইবে : (১)<br>বৃত্তিমূলক শিক্ষা, (২) মাতৃভাষার মাধ্যমে<br>প্রাথমিক শিক্ষা, (৩) মাধ্যমিক শিক্ষা।<br>গ) প্রথম তফসিলে পরিষদের কার্যাবলীর ৬(খ)<br>উপ-ধারায় “সংরক্ষিত বা” শব্দগুলি বিলুপ্ত করা<br>হইবে।  | বাস্তবায়িত। পার্বত্য জেলা পরিষদ আইন<br>সংশোধন করা হয়েছে। রাঙামাটি/<br>বান্দরবান/খাগড়াছড়ি পার্বত্য জেলা পরিষদের<br>নিকট হস্তান্তরিত দণ্ডরসমূহের জনবল,<br>পরিসম্পদ, বার্ষিক বাজেট বরাদ্দ প্রদান<br>(বার্ষিক উন্নয়ন ও অনুনয় বাজেট) পার্বত্য<br>জেলা পরিষদসমূহে ন্যস্ত করার প্রয়োজনীয়<br>ব্যবস্থা গ্রহণের জন্য ২৩/০৮/২০১৬ তারিখ<br>হস্তান্তরিত বিভাগের সকল মন্ত্রণালয়/বিভাগে<br>পত্র দেয়া হয়। | ক) সন্নিবেশ করা হয়েছে।<br>খ) সংযোজন করা হয়েছে।<br>গ) বিলুপ্ত করা হয়েছে।  |
| খ.৩৪.  | পার্বত্য জেলা পরিষদের কার্য ও দায়িত্বাদির<br>মধ্যে নিম্নে উল্লেখিত বিষয়াবলী অন্তর্ভুক্ত হইবে:<br>ক) ভূমি ও ভূমি ব্যবস্থাপনা;<br>খ) পুলিশ (স্থানীয়);<br>গ) উপজাতীয় আইন ও সামাজিক বিচার;<br>ঘ) যুব কল্যাণ;<br>ঙ) পরিবেশ সংরক্ষণ ও উন্নয়ন;  | আংশিক বাস্তবায়িত।<br>পুলিশ (স্থানীয়): এ বিষয়ে গত<br>১৯/১২/২০১২ তারিখে প্রধানমন্ত্রীর কার্যালয়ে<br>মাননীয় প্রধানমন্ত্রীর আন্তর্জাতিক বিষয়ক<br>উপদেষ্টার সভাপতিত্বে একটি সভা অনুষ্ঠিত<br>হয়। উক্ত সভায় সিদ্ধান্ত হয় যে, পার্বত্য<br>চট্টগ্রাম অঞ্চলের অধিবাসীদের মধ্য থেকে<br>কনষ্টেবল হতে এসআই পর্যন্ত পদায়নের  | বিষয়াবলী অন্তর্ভুক্ত করা হয়েছে। তবে পরিষদে অদ্যাবধি যথাযথভাবে হস্তান্তরিত হয়নি।  |

| ধারা   | চুক্তির বিষয়  | সরকারের সর্বশেষ বক্তব্য  | জনসংহতি সমিতির মতামত |
|--|--|--|----------------------|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |  |  |                      |
|  | <p>চ) স্থানীয় পর্যটন;</p> <p>ছ) পৌরসভা ও ইউনিয়ন পরিষদ ব্যতীত ইম্ফ্ৰুভমেন্ট ট্ৰাস্ট ও অন্যান্য স্থানীয় শাসন সংক্রান্ত প্রতিষ্ঠান;</p> <p>জ) স্থানীয় শিল্প বাণিজ্যের লাইসেন্স প্রদান;</p> <p>ঝ) কাঙাই হৃদের জলসম্পদ ব্যতীত অন্যান্য নদী-নালা, খাল-বিলের সুষু ব্যবহার ও সেচ ব্যবস্থা;</p> <p>ঝঃ) জন্ম-মৃত্যু ও অন্যান্য পরিসংখ্যান সংরক্ষণ;</p> <p>ট) মহাজনী কারবার;</p> <p>ঠ) জুম চাষ।</p> | <p>জন্য স্বরাষ্ট্র মন্ত্রণালয়কে উদ্যোগ গ্রহণ করতে হবে এবং প্রতিটি থানায় পাহাড়ী-বাংগালীর অনুপাত হবে ৫০:৫০। প্রতিটি পার্বত্য জেলায় ৫০০ (পাঁচশত) জন করে তিন পার্বত্য জেলায় ১৫০০ (এক হাজার পাঁচশত) জন উপজাতীয় পুলিশ স্বরাষ্ট্র মন্ত্রণালয় নিয়োগ করবে। তিন পার্বত্য জেলায় উপজাতীয় পুলিশ নিয়োগ শুরু হয়েছে।</p> <p>পরিবেশ সংরক্ষণ ও উন্নয়ন: পার্বত্য চট্টগ্রাম চুক্তিতে বর্ণিত পরিবেশ ও বন মন্ত্রণালয় সংশ্লিষ্ট কার্যক্রম তিন পার্বত্য জেলা পরিষদে হস্তান্তরের কৌশল নির্ধারনের জন্য গত ১২/০৮/২০১৪ তারিখে আন্তঃমন্ত্রণালয় সভা অনুষ্ঠিত হয়। সভায় সিদ্ধান্ত গ্রহণ করা হয় যে, “(ক) পরিবেশ সংরক্ষণ ও উন্নয়ন হিসেবে কিভাবে হস্তান্তর করা হবে তা পরিবেশ ও বন মন্ত্রণালয় সংশ্লিষ্ট সকলের সাথে আলোচনা করে পার্বত্য চট্টগ্রাম বিষয়ক মন্ত্রণালয়কে অবহিত করবে;</p> <p>(খ) তিন পার্বত্য জেলা পরিষদ, উক্ত জেলাসমূহের জেলা প্রশাসন এবং স্থানীয় বন বিভাগের প্রতিনিধির সাথে সভা করে Unclassified State Forest-এর সীমানা নির্ধারণ করে পার্বত্য চট্টগ্রাম বিষয়ক মন্ত্রণালয়কে অবহিত করবে।”</p> <p>স্থানীয় পর্যটন: বেসামুরিক বিমান পরিবহন ও পর্যটন মন্ত্রণালয়ের অধীনস্থ স্থানীয় পর্যটন গত ২৮/০৮/২০১৪ তারিখে তিন পার্বত্য জেলা পরিষদে হস্তান্তর হয়েছে। (১) পৌরসভা ও ইউনিয়ন পরিষদ ব্যতীত ইম্ফ্ৰুভমেন্ট ট্ৰাস্ট ও অন্যান্য শাসন সংক্রান্ত প্রতিষ্ঠান, (২) স্থানীয় শিল্প বাণিজ্যের লাইসেন্স, (৩) জন্ম-মৃত্যু ও অন্যান্য পরিসংখ্যান এবং (৪) মহাজনী</p> |                      |

| ধারা   | চুক্তির বিষয়   | সরকারের সর্বশেষ বক্তব্য  | জনসংহতি সমিতির মতামত  |
|--|---|--|---|
| <b>খ. পার্বত্য জেলা স্থানীয় সরকার পরিষদ/পার্বত্য জেলা পরিষদ</b> |   |  |   |
|  |   | কারবার এই চারটি বিষয় নির্বাহী আদেশের মাধ্যমে ইতোমধ্যে তিন পার্বত্য জেলা পরিষদে ন্যস্ত করা হয়েছে। উক্ত বিষয়সমূহ সহ এ পর্যন্ত রাঙ্গামাটি পার্বত্য জেলায় ৩০টি, খাগড়াছড়ি পার্বত্য জেলা পরিষদে ৩০টি এবং বান্দরবান পার্বত্য জেলা পরিষদে ২৮টি বিষয়/দণ্ডের হস্তান্তর করা হয়েছে। অবশিষ্ট বিষয়/বিভাগের হস্তান্তর কার্যক্রম অব্যাহত আছে। |   |
| খ.৩৫.  | দ্বিতীয় তফসিলে বিবৃত পরিষদ কর্তৃক আরোগ্যপীয় কর, রেইট, টোল এবং ফিস এর মধ্যে নিম্নে বর্ণিত ক্ষেত্র ও উৎসাদি অন্তর্ভুক্ত হইবে : ক) অ্যাট্রিক যানবাহনের (রেজিস্ট্রেশন ফি; খ) পণ্য ক্রয়-বিক্রয়ের উপর কর; গ) ভূমি ও দালান-কোঠার উপর হোল্ডিং কর; ঘ) গৃহপালিত পশু বিক্রয়ের উপর কর; �ঙ) সামাজিক বিচারের ফিস; চ) সরকার ও বেসরকারি শিল্প প্রতিষ্ঠানের উপর হোল্ডিং কর; ছ) বনজ সম্পদের উপর রয়েলাটির অংশবিশেষ; জ) সিনেমা, যাত্রা, সার্কাস ইত্যাদির উপর সম্পূরক কর; ঝ) খনিজ সম্পদ অব্যবহৃত বা নিষ্কর্ষণের উদ্দেশ্যে সরকার কর্তৃক প্রদত্ত অনুজ্ঞাপত্র বা পাট্টা সমূহ সূত্রে প্রাপ্ত রয়েলাটির অংশবিশেষ; এও) ব্যবসার উপর কর; ট) লটারীর উপর কর; ঠ) মৎস্য ধরার উপর কর। | বাস্তবায়ন চলমান রয়েছে। ১৯৯৮ সালে পার্বত্য জেলা পরিষদ আইন সংশোধন করা হয়েছে।  | আংশিক বাস্তবায়িত।  |
| <b>গ. পার্বত্য চট্টগ্রাম আঞ্চলিক পরিষদ</b>                       |   |  |   |
| গ.১.   | পার্বত্য জেলা পরিষদসমূহ অধিকতর শক্তিশালী ও কার্যকর করিবার লক্ষ্যে পার্বত্য জেলা স্থানীয় সরকার পরিষদ আইন, ১৯৮৯ (১৯৮৯ সনের ১৯, ২০ ও ২১ নং আইন) এর বিভিন্ন ধারা সংশোধন ও সংযোজন সাপেক্ষে তিন পার্বত্য জেলা স্থানীয় সরকার পরিষদের সময়ে একটি আঞ্চলিক পরিষদ গঠন করা হইবে।  | বাস্তবায়িত। পার্বত্য চট্টগ্রাম আঞ্চলিক পরিষদ গঠন করা হয়েছে।  | বাস্তবায়িত। এ বিধান অনুযায়ী পার্বত্য চট্টগ্রাম আঞ্চলিক পরিষদ আইন, ১৯৯৮ প্রণীত হয় এবং ১৯৯৯ খ্রিস্টাব্দে অন্তর্বর্তী পরিষদ গঠিত হয়। তবে এ আইন যথাযথভাবে কার্যকর হতে পারেনি। অন্তর্বর্তী পার্বত্য চট্টগ্রাম আঞ্চলিক পরিষদ গঠিত হলেও এখনো নির্বাচিত আঞ্চলিক পরিষদ গঠিত হয়নি। |

| ধারা                                       | চুক্তির বিষয়   | সরকারের সর্বশেষ বক্তব্য  | জনসংহতি সমিতির মতামত  |
|--|---|--|---|
| <b>গ. পার্বত্য চট্টগ্রাম আঞ্চলিক পরিষদ</b> |   |  |   |
| গ.২.                                       | পার্বত্য জেলা পরিষদের নির্বাচিত সদস্যগণের দ্বারা পরোক্ষভাবে এই পরিষদের চেয়ারম্যান নির্বাচিত হইবেন যাহার পদমর্যাদা হইবে একজন প্রতিমন্ত্রীর সমকক্ষ এবং তিনি অবশ্যই উপজাতীয় হইবেন।   | আংশিক বাস্তবায়িত। পার্বত্য চট্টগ্রাম আঞ্চলিক পরিষদের চেয়ারম্যানের পদে প্রতিমন্ত্রীর সমর্যাদায় এবং তিনি একজন উপজাতীয়। পার্বত্য জেলা পরিষদের নির্বাচন না হওয়ায় বর্তমানে আঞ্চলিক পরিষদে অন্তর্বর্তীকালীন পরিষদ কার্যকর আছে। | আংশিক বাস্তবায়িত। পার্বত্য চট্টগ্রাম চুক্তি স্বাক্ষরের পর ২২ বছর অতিক্রান্ত হলেও এখনো তিন পার্বত্য জেলা পরিষদের নির্বাচন অনুষ্ঠিত হয়নি এবং নির্বাচিত পার্বত্য জেলা পরিষদ গঠিত না হওয়ায় পার্বত্য চট্টগ্রাম আঞ্চলিক পরিষদের নির্বাচনও অনুষ্ঠিত হয়নি। নির্বাচনের বাধ্যবাধকতাকে উপেক্ষা করে একের পর এক সরকার দলীয় লোকজনদেরকে অন্তর্বর্তী পার্বত্য জেলা পরিষদের চেয়ারম্যান-সদস্য হিসেবে নিয়োগ দিয়ে তিন পার্বত্য জেলা পরিষদসমূহকে পরিচালনা করছে। এছাড়া তিন পার্বত্য জেলা পরিষদের চেয়ারম্যানদের উপমন্ত্রী পদমর্যাদাও প্রত্যাহার করা হয়েছে। |
| গ.৩.                                       | চেয়ারম্যানসহ পরিষদ ২২ (বাইশ) জন সদস্য লইয়া গঠন করা হইবে। পরিষদের দুই তৃতীয়াংশ সদস্য উপজাতীয়দের মধ্য হইতে নির্বাচিত হইবে। পরিষদ ইহার কার্যপদ্ধতি নির্ধারণ করিবেন।<br>পরিষদের গঠন নিম্নরূপ হইবে :<br>চেয়ারম্যান-১ জন<br>সদস্য উপজাতীয়-১২ জন<br>সদস্য উপজাতীয় (মহিলা)-২ জন<br>সদস্য অ-উপজাতীয়-৬ জন<br>সদস্য অ-উপজাতীয় (মহিলা)-১ জন<br>উপজাতীয় সদস্যদের মধ্যে ৫ জন নির্বাচিত হইবেন চাকমা উপজাতি হইতে, ৩ জন মার্মা উপজাতি হইতে, ২ জন ত্রিপুরা উপজাতি হইতে, ১ জন মুরং ও তনচেঙ্গ্য উপজাতি হইতে এবং ১ জন লুসাই, বোঝি, পাংখো, খুমী, চাক ও খিয়াং উপজাতি হইতে।<br>অ-উপজাতীয় সদস্যদের মধ্য হইতে প্রত্যেক জেলা হইতে ২ জন করিয়া নির্বাচিত হইবেন।<br>উপজাতীয় মহিলা সদস্য নিয়োগের ক্ষেত্রে চাকমা উপজাতি হইতে ১ জন এবং অন্যান্য উপজাতি হইতে ১ জন নির্বাচিত হইবেন। | আংশিক বাস্তবায়িত। ১৯৯৮ সনে পার্বত্য চট্টগ্রাম আঞ্চলিক পরিষদ আইন প্রণয়ন করা হয়েছে তবে অদ্যাবধি নির্বাচন অনুষ্ঠিত হয় নাই।  | আংশিক বাস্তবায়িত। পার্বত্য চট্টগ্রাম আঞ্চলিক পরিষদ আইন ১৯৯৮ প্রণীত হলেও এবং তদনুসারে অন্তর্বর্তী আঞ্চলিক পরিষদ গঠিত হলেও এখনো নির্বাচিত আঞ্চলিক পরিষদ গঠিত হয়নি। অন্তর্বর্তী আঞ্চলিক পরিষদে এ বিধান অনুযায়ী জাতি-ভিত্তিক সদস্য মনোনীত করা হয়েছে।  |
| গ.৪.                                       | পরিষদের মহিলাদের জন্য ৩ (তিনি) টি আসন সংরক্ষিত রাখা হইবে। এক-তৃতীয়াংশ (১/৩) অ-উপজাতীয় হইবে।   | আংশিক বাস্তবায়িত। ১৯৯৮ সনে পার্বত্য চট্টগ্রাম আঞ্চলিক পরিষদ আইন প্রণয়ন করা হয়েছে তবে অদ্যাবধি নির্বাচন অনুষ্ঠিত হয় নাই।  | আংশিক বাস্তবায়িত। অন্তর্বর্তী আঞ্চলিক পরিষদে এ বিধান অনুসারে মহিলাদের জন্য সংরক্ষিত তিনটি আসনে মহিলা মনোনীত করা হয়েছে। তবে এখনো নির্বাচিত পরিষদ গঠিত হয়নি।   |

| ধারা                                       | চুক্তির বিষয়  | সরকারের সর্বশেষ বক্তব্য   | জনসংহতি সমিতির মতামত  |
|--|--|---|---|
| <b>গ. পার্বত্য চট্টগ্রাম আঞ্চলিক পরিষদ</b> |  |   |   |
| গ.৫.                                       | পরিষদের সদস্যগণ তিন পার্বত্য জেলা পরিষদের নির্বাচিত সদস্যগণের দ্বারা পরোক্ষভাবে নির্বাচিত হইবেন। তিন পার্বত্য জেলার চেয়ারম্যানগণ পদাধিকার বলে পরিষদের সদস্য হইবেন এবং তাঁদের ভোটাধিকার থাকিবে। পরিষদের সদস্য প্রার্থীদের যোগ্যতা ও অযোগ্যতা পার্বত্য জেলা পরিষদের সদস্যদের যোগ্যতা ও অযোগ্যতার অনুরূপ হইবে।           | আংশিক বাস্তবায়িত। ১৯৯৮ সনে পার্বত্য চট্টগ্রাম আঞ্চলিক পরিষদ আইন প্রণয়ন করা হয়েছে তবে অদ্যবধি নির্বাচন অনুষ্ঠিত হয় নাই।  | আংশিক বাস্তবায়িত। তিন পার্বত্য জেলা পরিষদের নির্বাচন অনুষ্ঠিত না হওয়ায় আঞ্চলিক পরিষদের সদস্যগণ তিন পার্বত্য জেলা পরিষদের দ্বারা নির্বাচন করা সম্ভব হয়নি। তবে অন্তর্বর্তী আঞ্চলিক পরিষদে এ বিধান অনুসারে অন্তর্বর্তীকালীন তিন পার্বত্য জেলা পরিষদের চেয়ারম্যানগণ পদাধিকার বলে পরিষদের সদস্য হিসেবে দায়িত্ব পালন করছেন। |
| গ.৬.                                       | পরিষদের মেয়াদ ৫ (পাঁচ) বৎসর হইবে। পরিষদের বাজেট প্রণয়ন ও অনুমোদন, পরিষদ বাতিলকরণ, পরিষদের বিধি প্রণয়ন, কর্মকর্তা ও কর্মচারী নিয়োগ ও নিয়ন্ত্রণ ইত্যাদি সংশ্লিষ্ট বিষয় ও পদ্ধতি পার্বত্য জেলা পরিষদের অনুকূলে প্রদত্ত ও প্রযোজ্য বিষয় ও পদ্ধতির অনুরূপ হইবে।  | আংশিক বাস্তবায়িত। ১৯৯৮ সনে পার্বত্য চট্টগ্রাম আঞ্চলিক পরিষদ আইন প্রণয়ন করা হয়েছে। আঞ্চলিক পরিষদকে অর্থ মন্ত্রণালয় হতে সাহায্য মঞ্জুরী (বাজেট) প্রদান করা হয়। | আংশিক বাস্তবায়িত। তিন পার্বত্য জেলা পরিষদের নির্বাচন অনুষ্ঠিত না হওয়ায় আঞ্চলিক পরিষদের নির্বাচন অনুষ্ঠিত হতে পারেন। ফলে ২০ বছর ধরে অন্তর্বর্তী আঞ্চলিক পরিষদ বলবৎ রয়েছে।  |
| গ.৭.                                       | পরিষদে সরকারের যুগ্ম সচিব সমতুল্য একজন মুখ্য নির্বাহী কর্মকর্তা থাকিবেন এবং এই পদে নিযুক্তির জন্য উপজাতীয় প্রার্থীকে অধাধিকার দেওয়া হইবে।  | বাস্তবায়িত।  | বাস্তবায়িত।  |
| গ.৮.                                       | ক) যদি পরিষদের চেয়ারম্যানের পদ শূন্য হয় তাহা হইলে অন্তর্বর্তীকালীন সময়ের জন্য পরিষদের অন্যান্য উপজাতীয় সদস্যগণের মধ্য হইতে একজন তিন পার্বত্য জেলা পরিষদের সদস্যগণের দ্বারা পরোক্ষভাবে চেয়ারম্যান নির্বাচিত হইবেন।<br>খ) পরিষদের কোন সদস্যপদ যদি কোন কারণে শূন্য হয় তবে উপ-নির্বাচনের মাধ্যমে তাহা পূরণ করা হইবে। | বাস্তবায়িত।  | বাস্তবায়িত।  |
| গ.৯.                                       | ক) পরিষদ তিনটি পার্বত্য জেলা পরিষদের অধীনে পরিচালিত সকল উন্নয়ন কর্মকাণ্ড সমন্বয় সাধন করাসহ তিনটি পার্বত্য জেলা পরিষদের   | বাস্তবায়িত। পার্বত্য চট্টগ্রাম আঞ্চলিক পরিষদ এপেক্ষ প্রতিষ্ঠান হিসাবে আঞ্চলিক পরিষদের আইন অনুসারে তত্ত্বাবধান ও সমন্বয় সাধন করতে পারে।                          | অবাস্তবায়িত। আইনে অন্তর্ভুক্ত করা হলেও পরিষদের তত্ত্বাবধান ও সমন্বয় করার ক্ষমতা কার্যকর করা হচ্ছে না। এ যাবৎ তিন পার্বত্য জেলা পরিষদ ও পার্বত্য চট্টগ্রাম বিষয়ক মন্ত্রণালয়ের অসহযোগিতার কারণে আঞ্চলিক পরিষদ কর্তৃক তিন পার্বত্য জেলা পরিষদের উন্নয়ন কর্মকাণ্ডসহ যাবতীয় বিষয়াদি তত্ত্বাবধান ও                         |

| ধারা                                | চুক্তির বিষয়   | সরকারের সর্বশেষ বক্তব্য | জনসংহতি সমিতির মতামত   |
|-------------------------------------|---|-------------------------|--|
| গ. পার্বত্য চট্টগ্রাম আঞ্চলিক পরিষদ |   |                         |  |
|                                     | আওতাধীন ও ইহাদের উপর অর্পিত বিষয়াদি সার্বিক তত্ত্বাবধান ও সমন্বয় করিবে। ইহা ছাড়া অর্পিত বিষয়াদির দায়িত্ব পালনে তিন জেলা পরিষদের মধ্যে সমন্বয়ের অভাব কিংবা কোনরূপ অসংগতি পরিলক্ষিত হইলে আঞ্চলিক পরিষদের সিদ্ধান্ত চূড়ান্ত বিলিয়া পরিগণিত হইবে। |                         | সমন্বয় সাধন করা যাচ্ছে না। এ বিধান ‘সম্পূর্ণ বাস্তবায়িত’ হয়েছে মর্মে সরকারের অভিমত সঠিক নয়। উল্লেখ্য যে, ১০ এপ্রিল ২০০১ মন্ত্রিপরিষদ বিভাগ হতে ‘আঞ্চলিক পরিষদ আইন, ১৯৯৮ এর যথাযথ অনুসরণ এবং পার্বত্য জেলার উন্নয়ন কর্মকাণ্ডের তত্ত্বাবধান ও সমন্বয় সাধন’ এর জন্য পরিপত্র জারি করা হয়। কিন্তু তিন পার্বত্য জেলা পরিষদসহ অন্যান্য সংশ্লিষ্ট কর্তৃপক্ষ পরিপত্র অনুসারে কোন কার্যকর ভূমিকা রাখেনি। অপরদিকে পার্বত্য চট্টগ্রাম চুক্তি বাস্তবায়ন ও পরিবীক্ষণ কমিটির ২য় সভায় তিন পার্বত্য জেলা পরিষদ, পার্বত্য চট্টগ্রাম আঞ্চলিক পরিষদ ও পার্বত্য চট্টগ্রাম বিষয়ক মন্ত্রণালয়ের মধ্যে সমন্বয় সাধনের সিদ্ধান্ত গৃহীত হলেও তা বাস্তবায়ন করার জন্য এখনো কোন কার্যক্রম বা প্রক্রিয়া হাতে নেওয়া হয়নি।  |
|                                     | খ) এই পরিষদ পৌরসভাসহ স্থানীয় পরিষদসমূহ তত্ত্বাবধান ও সমন্বয় করিবে।  |                         | অবাস্তবায়িত। আইনে অন্তর্ভুক্ত করা হলেও বিধানটি কার্যকর হচ্ছে না। আঞ্চলিক পরিষদ আইন ও তিন পার্বত্য জেলা পরিষদ আইন সাপেক্ষে পৌরসভা, ইউনিয়ন পরিষদ, উপজেলা পরিষদ ইত্যাদি স্থানীয় সরকার পরিষদগুলোর আইন পার্বত্য চট্টগ্রামে প্রযোজ্য হবে মর্মে বিধান সংযোজনের প্রস্তাব কার্যকর করা হয়নি।<br><br>পৌরসভাসহ স্থানীয় পরিষদসমূহ স্থানীয় সরকার ও পল্লী উন্নয়ন মন্ত্রণালয়ের অধীনে পরিচালিত হয়ে থাকে। সুতরাং পৌরসভাসহ স্থানীয় পরিষদসমূহ আঞ্চলিক পরিষদ কর্তৃক তত্ত্বাবধান ও সমন্বয় সাধনের লক্ষ্যে সংশ্লিষ্ট আইন ও বিধিমালা পার্বত্য চট্টগ্রাম আঞ্চলিক পরিষদ আইন ১৯৯৮ এর সাথে সঙ্গতি রেখে সংশোধন করা বাঞ্ছনীয়।<br><br>উল্লেখ্য, আঞ্চলিক পরিষদ কর্তৃক উপজেলা পরিষদ আইন সংশোধনকল্পে সুনির্দিষ্ট সুপারিশ সম্বলিত পত্র ২০০০ ও ২০০৯ খ্রিস্টাব্দে পার্বত্য মন্ত্রণালয়ে প্রেরিত হয়। সে বিষয়ে আজ অবধি কোন ব্যবস্থা গৃহীত হয়নি। আরো উল্লেখ্য যে, আঞ্চলিক পরিষদ হতে বিষয়টি উপস্থাপনের প্রেক্ষিতে ২০০১ খ্রিস্টাব্দে আঞ্চলিক পরিষদ আইন যথাযথভাবে অনুসরণের জন্য প্রয়োজনীয় ব্যবস্থা গ্রহণার্থে স্থানীয় সরকার মন্ত্রণালয় হতে পার্বত্য জেলার জেলা প্রশাসকগণকে পত্র প্রেরণ করা হয়। এরপরও বিষয়টি বাস্তবায়িত হয়নি। |
|                                     | গ) তিন পার্বত্য জেলার সাধারণ প্রশাসন, আইন শৃঙ্খলা ও উন্নয়নের ব্যাপারে আঞ্চলিক পরিষদ সমন্বয় সাধন ও তত্ত্বাবধান করিতে পারিবে।   |                         | অবাস্তবায়িত। আইনে অন্তর্ভুক্ত করা হলেও বিধানটি কার্যকর হচ্ছে না। তাই এখনো উপজেলা ও জেলা পর্যায়ে পুলিশ বিভাগ এবং উপজেলা নির্বাহী কর্মকর্তা ও ডেপুটি কমিশনারগণ পূর্বের মতো আইন লজ্জন করে এ ক্ষমতা প্রয়োগ করে চলেছে।<br><br>তিন পার্বত্য জেলার ডেপুটি কমিশনারগণ পার্বত্য চট্টগ্রাম শাসনবিধি, ১৯০০ অনুযায়ী পূর্বেকার মতো জেলার সাধারণ প্রশাসন সম্পর্কিত সকল ক্ষমতা প্রয়োগ করে চলেছেন। অপরদিকে উক্ত শাসনবিধিতে আঞ্চলিক পরিষদ সম্পর্কে কোন বিধি উল্লেখিত না থাকায় আঞ্চলিক পরিষদকে সহযোগিতা করা থেকে ডেপুটি কমিশনারগণ বরবারই বিরত রয়েছেন। ফলে আঞ্চলিক পরিষদ কর্তৃক জেলার সাধারণ প্রশাসন তত্ত্বাবধান ও সমন্বয় সাধন কার্য পরিচালনা করা যাচ্ছে না।<br><br>১৯৮৯ খ্রিস্টাব্দে স্থানীয় সরকার পরিষদ আইন প্রণীত হবার পর পার্বত্য চট্টগ্রাম শাসনবিধি, ১৯০০ এর কার্যকারিতা সম্পর্কে প্রশ্ন উত্থাপিত হয়। এ প্রেক্ষিতে ১৯৯০ খ্রিস্টাব্দে জারিকৃত আরক্ষে বর্ণিত হয় যে,  |

| ধারা                                | চুক্তির বিষয় | সরকারের সর্বশেষ বক্তব্য | জনসংহতি সমিতির মতামত   |
|-------------------------------------|---------------|-------------------------|--|
| গ. পার্বত্য চট্টগ্রাম আঞ্চলিক পরিষদ |               |                         | <p>পার্বত্য চট্টগ্রাম শাসনবিধি সম্পূর্ণ বহাল ও কার্যকর থাকবে। আঞ্চলিক পরিষদ সরকারের নিকট উক্ত স্মারক বাতিল করে আঞ্চলিক পরিষদ আইন ও তিন পার্বত্য জেলা আইনের সাপেক্ষে কার্যকর থাকবে মর্মে নতুন স্মারক জারি করার জন্য সুপারিশ পেশ করে। তদ্প্রেক্ষিতে ২০১৩ খ্রিস্টাব্দে মন্ত্রিপরিষদ বিভাগ হতে পার্বত্য মন্ত্রণালয়কে বিধান জারিকরণ সংক্রান্ত নির্দেশনা দেওয়া হয়। তা এখনো কার্যকর করা হয়নি।</p> <p>প্রসঙ্গত উল্লেখ্য যে, ১৯০০ সালের পার্বত্য চট্টগ্রাম শাসনবিধির বিভিন্ন বিধি পার্বত্য জেলা পরিষদ আইন ও আঞ্চলিক পরিষদ আইনের সাথে সাংঘর্ষিক। তাই পার্বত্য চট্টগ্রাম শাসনবিধি সংশোধন করা অপরিহার্য। সর্বোপরি আঞ্চলিক পরিষদ আইন ও তিন পার্বত্য জেলা পরিষদ আইনের সাথে সঙ্গতি রেখে তিন পার্বত্য জেলার ডেপুটি কমিশনারগণের (জেলা প্রশাসকগণের) Charter of Duties নির্ধারণ করা বাস্তুনীয়।</p> <p>তিন পার্বত্য জেলার আইন-শৃঙ্খলা ডেপুটি কমিশনার ও পুলিশ সুপার কর্তৃক চুক্তির পূর্বেকার সংশ্লিষ্ট আইন অনুযায়ী পরিচালিত হয়ে আসছে। সর্বোপরি ২০০১ সালে প্রতিষ্ঠাপিত ‘অপারেশন উভরণ’ আদেশ অনুযায়ী সেনাবাহিনী পার্বত্য জেলার আইন-শৃঙ্খলা বিষয়ে সহায়তা প্রদানের বিষয়টি উল্লেখ করা থাকলেও সাধারণ প্রশাসন, আইন-শৃঙ্খলা ও উন্নয়ন-এর ক্ষেত্রে স্থানীয় সেনা কর্তৃপক্ষ কার্যত নিয়ন্ত্রণ করে চলেছে।</p> <p>আঞ্চলিক পরিষদ কর্তৃক পার্বত্য জেলার আইন-শৃঙ্খলা তত্ত্বাবধান ও সমন্বয় সাধন করার জন্য মন্ত্রিপরিষদ বিভাগ কর্তৃক জারিকৃত পরিপত্র ছাড়াও ১৭-০১-২০০০ “পার্বত্য চট্টগ্রাম বিষয়ক মন্ত্রণালয় কর্তৃক আঞ্চলিক পরিষদ আইন, ১৯৯৮ (১৯৯৮ সনের ১২ নং আইন) মোতাবেক দায়িত্ব সম্পাদনের ক্ষেত্রে তিন পার্বত্য জেলায় কর্মরত জেলা প্রশাসকসহ সংশ্লিষ্ট মন্ত্রণালয়ের সকল কর্তৃপক্ষের সহযোগিতা প্রদানের জন্য পার্বত্য চট্টগ্রাম বিষয়ক মন্ত্রণালয় হতে সার্কুলার জারি” করা হয়। তদ্সত্ত্বেও পার্বত্য জেলার ডেপুটি কমিশনার ও পুলিশ সুপার বা সংশ্লিষ্ট সেনা কর্তৃপক্ষ আঞ্চলিক পরিষদকে সহযোগিতা করার জন্য এগিয়ে আসেনি এবং আঞ্চলিক পরিষদ ও তিন পার্বত্য জেলা পরিষদকে সম্পূর্ণভাবে পাশ কাটিয়ে পার্বত্য জেলার আইন-শৃঙ্খলা পরিচালনা করে চলেছে। ফলে আঞ্চলিক পরিষদ কর্তৃক পার্বত্য জেলার আইন-শৃঙ্খলা তত্ত্বাবধান ও সমন্বয় করা যাচ্ছে না। সুতরাং আঞ্চলিক পরিষদ আইন ও পার্বত্য জেলা পরিষদ আইনের সাথে সংগতি রেখে বাংলাদেশ পুলিশ এ্যাক্ট ১৮৬১ ও পুলিশ রেগুলেশন সংশোধন করা বাস্তুনীয়।</p> <p>আঞ্চলিক পরিষদ কর্তৃক তিন পার্বত্য জেলার উন্নয়নের তত্ত্বাবধান ও সমন্বয় সাধন কার্য সম্পাদনের ক্ষেত্রে সহযোগিতার জন্য ১৭-০১-২০০০ তারিখে পার্বত্য মন্ত্রণালয় কর্তৃক সার্কুলার জারি করা হলেও পার্বত্য চট্টগ্রাম অঞ্চল বা তিন পার্বত্য জেলার জন্য উন্নয়ন পরিকল্পনা, কার্যক্রম ও প্রকল্প প্রণয়ন, গ্রহণ ও বাস্তবায়ন ক্ষেত্রে পার্বত্য মন্ত্রণালয়সহ বিভিন্ন মন্ত্রণালয় কর্তৃক আঞ্চলিক পরিষদকে কদাচিত ইহার আইন অনুযায়ী সম্পৃক্ত বা অবহিত করা হয়। ফলে আঞ্চলিক পরিষদ কর্তৃক পার্বত্য জেলার উন্নয়নের তত্ত্বাবধান ও সমন্বয় সাধন করা যাচ্ছে না এবং পার্বত্য জেলার উন্নয়ন ক্ষেত্রে অর্থের অপচয় ও জনস্বার্থ পরিপন্থী উন্নয়ন কার্যক্রম বাস্তবায়ন বন্ধ করা যাচ্ছে না। সুতরাং পার্বত্য চট্টগ্রাম অঞ্চলের সার্বিক উন্নয়ন কার্যক্রমে আঞ্চলিক পরিষদকে সম্পৃক্ত ও অবহিত করা বাস্তুনীয়।</p> <p>আইন অনুযায়ী তিন পার্বত্য জেলার আইন-শৃঙ্খলা তত্ত্বাবধান ও সমন্বয় সাধন করার জন্য দায়িত্ব আঞ্চলিক পরিষদের উপর অর্পিত হলেও আজ অবধি সংশ্লিষ্ট কর্তৃপক্ষ তা অনুসরণ করেনি। বরঞ্চ সেনা ও পুলিশ</p> |

| ধারা                                | চুক্তির বিষয়  | সরকারের সর্বশেষ বক্তব্য   | জনসংহতি সমিতির মতামত   |
|-------------------------------------|--|---|--|
| গ. পার্বত্য চট্টগ্রাম আঞ্চলিক পরিষদ |  |   |  |
|                                     |  |   | কর্তৃপক্ষ সংশ্লিষ্ট মন্ত্রণালয়ের আদেশ অনুসরণ করে তাদের ক্ষমতা ও দায়িত্ব পালন করে চলেছে এবং কার্যত সন্তান ও দুর্নীতি দমনের নামে পার্বত্য চট্টগ্রাম আঞ্চলের আইন-শৃঙ্খলা বিষয়ক সকল ক্ষমতা কুক্ষিগত করে তিন পার্বত্য জেলা পরিষদকে ও পার্বত্য চট্টগ্রাম আঞ্চলিক পরিষদে অকার্যকর করার তথ্য চুক্তি বাস্তবায়ন কার্যক্রম ব্যাহত করবার প্রচেষ্টা জোরদার করেছে।   |
|                                     | ঘ) আঞ্চলিক পরিষদ দুর্যোগ ব্যবস্থাপনা ও ত্রাণ কার্যক্রম পরিচালনাসহ এনজিওদের কার্যাবলী সমন্বয় সাধন করিতে পারিবে।  |   | অবাস্তবায়িত। এই বিধান আইনে অন্তর্ভুক্ত করা হলেও কার্যকর করা হয়নি। ত্রাণ কার্যক্রম সমন্বয়ের ক্ষেত্রে ত্রাণ মন্ত্রণালয়, তিন পার্বত্য জেলা পরিষদ ও অন্যান্য সংশ্লিষ্ট সরকারি কর্তৃপক্ষ আঞ্চলিক পরিষদকে অগ্রহ্য করে চলেছে। বস্তুত তিন পার্বত্য জেলার ডেপুটি কমিশনারদের হাতেই অদ্যাবধি এ দায়িত্ব ন্যস্ত রয়েছে। আইনের ৪৬ ধারা অনুযায়ী প্রিবিধানমালা প্রণয়ন করে আঞ্চলিক পরিষদ পার্বত্য চট্টগ্রাম আঞ্চলের দুর্যোগ ব্যবস্থাপনা ও ত্রাণ কার্যক্রম পরিচালনা করতে পারে। তদুদ্দেশ্যে সংশ্লিষ্ট সকল খাদ্য শস্য ও অর্থ আঞ্চলিক পরিষদের বাস্তরিক বাজেটে সংযুক্ত করা অপরিহার্য। সরকার এ বিষয়ে কোন ব্যবস্থা গ্রহণ না করাতে আঞ্চলিক পরিষদ কর্তৃক আজ অবধি এ কার্য পরিচালনা করা যায় নি। সুতরাং এ ক্ষেত্রে ত্রাণ ও দুর্যোগ মন্ত্রণালয় কর্তৃক প্রয়োজনীয় ব্যবস্থা গ্রহণ বাস্তুনীয়।<br>এনজিওদের কার্যাবলী সমন্বয় সাধন করার জন্য আঞ্চলিক পরিষদ ইহার আইন অনুযায়ী প্রচেষ্টা চালিয়ে যাচ্ছে। অপরদিকে প্রধানমন্ত্রীর কার্যালয় কর্তৃক ২০০১ খ্রিস্টাব্দে “বাংলাদেশে কর্মরত বিদেশী ও বৈদেশিক সাহায্যপুষ্ট বাংলাদেশী বেসরকারি উচ্চাসেবী সংস্থাসমূহের (এনজিও) ক্ষেত্রে অনুসরণীয় কার্যপদ্ধতি” সম্পর্কিত পরিপত্র জারি করা হয়। আঞ্চলিক পরিষদ আইনের ৫৩ ধারা অনুসরণে পার্বত্য জেলার ও পাহাড়ি অধিবাসীদের জন্য কষ্টকর ও আপত্তিকর উক্ত পরিপত্রের কতিপয় বিষয় সম্পর্কে ইহার সুপারিশমালা পেশ করে। ২০১২ খ্রিস্টাব্দে সংশোধিত পরিপত্র জারি করা হয়। এ পরিপত্রে আঞ্চলিক পরিষদের কতিপয় সুপারিশ গৃহীত হলেও অধিকাংশ সুপারিশ গৃহীত হয়নি। ফলে আঞ্চলিক পরিষদের পক্ষে পার্বত্য চট্টগ্রাম আঞ্চলে কর্মরত এনজিওদের কার্যাবলী সমন্বয় সাধন করা দুর্বল হয়ে পড়েছে। |
|                                     | ঙ) উপজাতীয় আইন ও সামাজিক বিচার আঞ্চলিক পরিষদের আওতাভুক্ত থাকিবে।  |   | অবাস্তবায়িত। আইনে অন্তর্ভুক্ত করা হলেও তা কার্যকর করা হয়নি। তিন পার্বত্য জেলায় নিয়োজিত বিচারকগণ বিচারের সময় পার্বত্য চট্টগ্রামে প্রচলিত আইন, প্রথা ও পদ্ধতি অনুসরণ করেন না এবং পার্বত্য চট্টগ্রাম আঞ্চলিক পরিষদ ও সার্কেল চীফ-হেডম্যানদের মতামত গ্রহণ করেন না।  |
|                                     | চ) পরিষদ ভারী শিল্পের লাইসেন্স প্রদান করিতে পারিবে।  |   | অবাস্তবায়িত। চন্দ্রঘোনা রেয়ন ও পেপারমিলের পরিচালনা ও প্রশাসনে আঞ্চলিক পরিষদকে অদ্যাবধি উপেক্ষা করা হচ্ছে। মানিকছড়ির সিমুতাং গ্যাস ক্ষেত্র থেকে গ্যাস উত্তোলনের ক্ষেত্রে আঞ্চলিক পরিষদের সাথে কোন আলোচনা করা হয়নি।  |
| গ.১০.                               | পার্বত্য চট্টগ্রাম উন্নয়ন বোর্ড, পরিষদের সাধারণ ও সার্বিক তত্ত্বাবধানে অর্পিত দায়িত্ব পালন করিবে। উন্নয়ন বোর্ডের চেয়ারম্যান পদে নিয়োগের ক্ষেত্রে সরকার যোগ্য উপজাতীয় | বাস্তবায়িত। পার্বত্য চট্টগ্রাম আঞ্চলিক পরিষদ পার্বত্য চট্টগ্রাম উন্নয়ন বোর্ড কার্যক্রমের সার্বিক তত্ত্বাবধান করতে পারে। গত ১৯-০৩-২০১৮ তারিখে জনাব নব বিক্রম | অবাস্তবায়িত। এই বিধান আইনে অন্তর্ভুক্ত হলেও উন্নয়ন বোর্ড কর্তৃপক্ষ উক্ত আইন মেনে চলছে না। আঞ্চলিক পরিষদের সাথে কোন প্রকার সংযোগ না রেখেই উন্নয়ন বোর্ড ইহার সামগ্রিক কার্যক্রম চালিয়ে যাচ্ছে। এ বিধান ‘বাস্তবায়িত’ হয়েছে মর্মে সরকারের অভিমত সঠিক নয়।<br>প্রসঙ্গত উল্লেখ্য যে, পার্বত্য চট্টগ্রাম উন্নয়ন বোর্ড অর্ডিন্যাস, ১৯৭৬ এর স্থলে ‘পার্বত্য চট্টগ্রাম উন্নয়ন বোর্ড  |

| ধারা                                       | চুক্তির বিষয়   | সরকারের সর্বশেষ বক্তব্য  | জনসংহতি সমিতির মতামত  |
|--|---|--|---|
| <b>গ. পার্বত্য চট্টগ্রাম আঞ্চলিক পরিষদ</b> |   |  |   |
|  | প্রার্থীকে অগ্রাধিকার প্রদান করিবেন।  | কিশোর ত্রিপুরাকে ০৩ (তিনি) বছরের জন্য পার্বত্য চট্টগ্রাম উন্নয়ন বোর্ডের চেয়ারম্যান হিসেবে নিয়োগ প্রদান করা হয়েছে।  | <p>আইন, ২০১৪' প্রতীত হয়। এ আইন তিনি পার্বত্য জেলা পরিষদ আইন ও পার্বত্য চট্টগ্রাম আঞ্চলিক পরিষদ আইনের সাথে সঙ্গতিপূর্ণ নয় এরকম অনেক ধারা এতে অন্তর্ভুক্ত করা হয় এবং এ যাবৎ পার্বত্য জেলা পরিষদ ও আঞ্চলিক পরিষদকে সম্পূর্ণরূপে পাশ কাটিয়ে উন্নয়ন বোর্ড ইহার কার্যক্রম পরিচালনা করে চলেছে, যা আঞ্চলিক পরিষদ ও তিনি পার্বত্য জেলা পরিষদ সম্বলিত পার্বত্য চট্টগ্রামের বিশেষ শাসনব্যবস্থাকে ক্ষুণ্ণ করছে এবং প্রশাসন ও উন্নয়নে জটিলতা সৃষ্টি করছে।</p> <p>তাই পার্বত্য চট্টগ্রাম উন্নয়ন বোর্ড আইন ২০১৪-এর উপর মতামত প্রদানকালে পার্বত্য চট্টগ্রাম আঞ্চলিক পরিষদ উক্ত পার্বত্য চট্টগ্রাম উন্নয়ন বোর্ড আইন ২০১৪ বাতিল ও বোর্ড বিলুপ্ত করার সুপারিশ পেশ করে।</p>   |
| গ.১১.                                      | ১৯০০ সালের পার্বত্য চট্টগ্রাম শাসনবিধি এবং অন্যান্য সংশ্লিষ্ট আইন, বিধি ও অধ্যাদেশের সাথে ১৯৮৯ সনের ছানীয় সরকার পরিষদ আইনের যদি কোন অসংগতি পরিলক্ষিত হয় তবে আঞ্চলিক পরিষদের পরামর্শ ও সুপারিশক্রমে সেই অসংগতি আইনের মাধ্যমে দূর করা হইবে। | বাস্তবায়ন চলমান রয়েছে। পার্বত্য চট্টগ্রাম চুক্তির বিরুদ্ধে ২০০০ সালে ও ২০০৭ সালে মাননীয় হাইকোর্টে পৃথক দুটি মামলা দায়ের করা হয়েছে। যা মাননীয় সুন্দীর কোর্টে আগিল অবস্থায় আছে। এই অবস্থায় আইনের অসংগতি সংক্রান্ত কোন কার্যক্রম গ্রহণ করা যাচ্ছে না। বিষয়টি পর্যালোচনাধীন রয়েছে। | <p>অবাস্তবায়িত। ১৯০০ সালের পার্বত্য চট্টগ্রাম শাসনবিধির কার্যকারিতা বিষয়ে ২৯/১০/১৯৯০ জারিকৃত স্মারক বাতিল করে পার্বত্য চুক্তি সাপেক্ষে কার্যকর করার দাবি করা সত্ত্বেও এখনো নতুন স্মারক জারি করা হয়নি।</p> <p>উল্লেখ্য, ১৯৯০ খ্রিস্টাব্দে পার্বত্য চট্টগ্রাম শাসনবিধি ১৯০০ বহাল এবং সম্পূর্ণ কার্যকর থাকবে মর্মে বিশেষ কার্যাদি (কল্যাণ) বিভাগ হতে একটি স্মারক জারি করা হয়। উক্ত স্মারক বাতিল করার এবং তিনি পার্বত্য জেলা পরিষদ আইনের, পার্বত্য চট্টগ্রাম আঞ্চলিক পরিষদ আইনের ও পার্বত্য চট্টগ্রাম বিষয়ক মন্ত্রণালয়ের কার্যবন্টনের বিধানাবলীর সাথে যতটুকু সংগতিপূর্ণ পার্বত্য চট্টগ্রাম শাসনবিধি, ১৯০০ এর বিধানাবলী কেবল ততটুকু কার্যকর থাকবে মর্মে নৃতন স্মারক জারি করার জন্য পার্বত্য চট্টগ্রাম আঞ্চলিক পরিষদ মন্ত্রিপরিষদ বিভাগের নিকট পত্র প্রেরণ করে। তদ্প্রেক্ষিতে ২০১৩ ও ২০১৫ খ্রিস্টাব্দে মন্ত্রিপরিষদ বিভাগ সংশ্লিষ্ট আইন পরীক্ষা-নিরীক্ষাক্রমে প্রয়োজনীয় ব্যবস্থা গ্রহণের জন্য নির্দেশনা প্রদান করে। ২০১৫ ও ২০১৬ খ্রিস্টাব্দে আঞ্চলিক পরিষদ প্রতিনিধিদলের সাথে অনুষ্ঠিত বৈঠকে মাননীয় প্রধানমন্ত্রী কার্যালয়ের মুখ্য সচিব অনুকূল মত প্রকাশ করেন ও পার্বত্য মন্ত্রণালয়কে বিষয়টি সম্পর্কে অন্তিমিলম্বে কার্যকর পদক্ষেপ গ্রহণের জন্য নির্দেশনা/পরামর্শ দেন। পার্বত্য চট্টগ্রাম বিষয়ক মন্ত্রণালয় তা লেজিসলেটিভ ও সংসদ বিভাগের নিকট প্রেরণ করে।</p> <p>২৮/০৮/২০১৯ খ্রিস্টাব্দ তারিখে লেজিসলেটিভ ও সংসদ বিভাগের সিনিয়র সচিবের সভাপতিত্বে আঞ্চলিক পরিষদ প্রতিনিধি, পার্বত্য মন্ত্রণালয় ও লেজিসলেটিভ ও সংসদ বিভাগ সমন্বয়ে এক মতবিনিয় সভা হয়। উক্ত সভার কার্যবিবরণীতে বর্ণিত হয় যে, সংশ্লিষ্ট আইনের পরিবর্তন ব্যতীত বিষয়টি নিষ্পত্তি করা সম্ভব নয়। অথচ উক্ত ১৯৯০ সনের স্মারক আদেশ বা পত্র দ্বারা বাতিল করা যায় ও নতুন স্মারক জারি করা যায়।</p> |
| গ.১২.                                      | পরোক্ষ ও প্রত্যক্ষ নির্বাচনের ভিত্তিতে আঞ্চলিক পরিষদ গঠিত না হওয়া পর্যন্ত সরকার অন্তর্বর্তীকালীন আঞ্চলিক পরিষদ গঠন করিয়া তাহার উপর পরিষদের প্রদেয় দায়িত্ব দিতে পারিবেন।   | বাস্তবায়িত। পরোক্ষ ও প্রত্যক্ষ নির্বাচনের ভিত্তিতে আঞ্চলিক পরিষদ গঠিত না হওয়ায় বর্তমানে অন্তর্বর্তীকালীন আঞ্চলিক পরিষদ কার্যকর আছে।   | বাস্তবায়িত।  |

| ধারা  | চুক্তির বিষয়   | সরকারের সর্বশেষ বক্তব্য   | জনসংহতি সমিতির মতামত  |
|---|---|---|---|
| <b>গ. পার্বত্য চট্টগ্রাম আঞ্চলিক পরিষদ</b>                      |   |   |   |
| গ.১৩.   | সরকার পার্বত্য চট্টগ্রাম বিষয়ে আইন প্রণয়ন করিতে গেলে আঞ্চলিক পরিষদের সাথে আলোচনাক্রমে ও ইহার পরামর্শক্রমে আইন প্রণয়ন করিবেন। তিনটি পার্বত্য জেলার উন্নয়ন ও উপজাতীয় জনগণের কল্যাণের পথে বিরূপ ফল হইতে পারে এইরূপ আইনের পরিবর্তন বা নৃতন আইন প্রণয়নের প্রয়োজনীয়তা দেখা দিলে পরিষদ সরকারের নিকট আবেদন অথবা সুপারিশমালা পেশ করিতে পারিবেন।  | এই প্রক্রিয়া চলমান রয়েছে।   | <p>অবাস্তবায়িত। আইনের এই ধারা অনুসরণ করা হচ্ছে না। পার্বত্য চট্টগ্রাম বিষয়ক আইন প্রণয়নে সরকার আঞ্চলিক পরিষদের পরামর্শ গ্রহণ করছে না বা পরামর্শ নেয়া হলেও তা উপেক্ষা করা হচ্ছে। যেমন-পার্বত্য চট্টগ্রাম উন্নয়ন বোর্ড আইন ২০১৪, তিন পার্বত্য জেলা পরিষদ (সংশোধন) আইন ২০১৪ প্রণয়নের সময় আঞ্চলিক পরিষদের পরামর্শ/মতামত উপেক্ষা করা হয়।</p> <p>উল্লেখ্য যে, আঞ্চলিক পরিষদ আইনের ৫৩ ধারায় বর্ণিত বিধান অনুযায়ী কোন আইন প্রণয়ন বা সংশোধন করার ক্ষেত্রে আঞ্চলিক পরিষদের পরামর্শ গ্রহণ করা হয়ে থাকে। আঞ্চলিক পরিষদ পার্বত্য চট্টগ্রাম চুক্তি ও পার্বত্য চট্টগ্রামে অঞ্চলের বিধানাবলী এবং পার্বত্য জেলার উন্নয়ন ও পাহাড়ি অধিবাসীদের কল্যাণের পথে বিরূপ ফল হতে পারে এ রূপ বিধানের পরিবর্তন বা সংশোধনের জন্য পরামর্শ প্রদান করে এসেছে। তবে অধিকাংশ ক্ষেত্রে হয় আঞ্চলিক পরিষদের পরামর্শ চাওয়া হয়নি বা আঞ্চলিক পরিষদের পরামর্শ গ্রহীত হয়নি।</p> <p>আরো উল্লেখ্য যে, চুক্তি উন্নরকালে বিভিন্ন মন্ত্রণালয় কর্তৃক বিভিন্ন আইন প্রণয়ন বা সংশোধন করা হয়েছে। সংশ্লিষ্ট আইনসমূহে পার্বত্য চট্টগ্রাম অঞ্চলে প্রযোজ্যতা সম্পর্কে কোন বিধান রাখা হয়নি বা বিভিন্ন ধারা-উপধারায় অনুরূপ কোন বিধান সন্নিবেশ করা হয়নি।</p> |
| গ.১৪.   | নিম্নোক্ত উৎস হইতে পরিষদের তহবিল গঠন হইবে : ক) জেলা পরিষদের তহবিল হইতে প্রাপ্ত অর্থ; খ) পরিষদের উপর ন্যস্ত এবং তৎকর্তৃক পরিচালিত সকল সম্পত্তি হইতে প্রাপ্ত অর্থ বা মুনাফা; গ) সরকার বা অন্যান্য কর্তৃপক্ষের ঝাঁপ ও অনুদান; ঘ) কোন প্রতিষ্ঠান বা ব্যক্তি কর্তৃক প্রদত্ত অনুদান; �ঙ) পরিষদের অর্থ বিনিয়োগ হইতে মুনাফা; চ) পরিষদ কর্তৃক প্রাপ্ত যে কোন অর্থ; ছ) সরকারের নির্দেশে পরিষদের উপর ন্যস্ত অন্যান্য আয়ের উৎস হইতে প্রাপ্ত অর্থ। | বর্তমানে সরকারের থোক ও অর্থ ধারা আঞ্চলিক পরিষদের তহবিল গঠিত। তিন পার্বত্য জেলা পরিষদের তহবিল থেকে ১০% হারে অর্থ আঞ্চলিক পরিষদ তহবিলে প্রদান করা হয়েছে। তাছাড়া পার্বত্য চট্টগ্রাম বিষয়ক মন্ত্রণালয় হতে নিয়মিত টিআর/জিআর খাত হতে খাদ্যশস্য/অর্থ বরাদ্দ প্রদান করা হয়। | আংশিক বাস্তবায়িত। শুধুমাত্র তিন পার্বত্য জেলা পরিষদের তহবিল থেকে ১০% হারে অর্থ অনিয়মিতভাবে পরিষদ তহবিলে প্রদান করা হচ্ছে।   |
| <b>ঘ. পুনর্বাসন, সাধারণ ক্ষমা প্রদর্শন ও অন্যান্য বিষয়াবলী</b> |   |   |   |
| ঘ.১.  | ভারতের ত্রিপুরা রাজ্যে অবস্থানরত উপজাতীয় শরণার্থীদের দেশে ফিরাইয়া আনার লক্ষ্যে সরকার ও উপজাতীয় শরণার্থী নেতৃত্বন্দের সাথে ত্রিপুরা রাজ্যের আগরতলায় ০৯ মার্চ '৯৭ইং তারিখে এক চুক্তি স্বাক্ষরিত হয়। সেই চুক্তি অনুযায়ী ২৮শে মার্চ '৯৭ইং হইতে উপজাতীয়   | বাস্তবায়িত। বর্তমান চেয়ারম্যান কুজেন্দ্র লাল ত্রিপুরা, সংসদ সদস্য, খাগড়া পার্বত্য জেলা-২৯৮ কে গত ১০/১২/২০১৭ তারিখে টাকফোর্সের চেয়ারম্যান হিসেবে নিয়োগ প্রদান করা হয়। গত ০৫/১০/২০১৮ তারিখে টাকফোর্সের ৯ম ও সর্বশেষ সভা অনুষ্ঠিত হয়।                                 | আংশিক বাস্তবায়িত। চুক্তির এ বিধান অনুযায়ী ভারত প্রত্যাগত ১২,২২২ টি পাহাড়ি শরণার্থী পরিবারের ৬৪,৬০৯ জন শরণার্থীকে আর্থিক সুবিধাদি প্রদান করা হয়েছে। তবে ৯,৭৮০ পরিবার তাদের ভিটেমাটি ও জায়গা-জমি ফেরেৎ পায়নি, ৮৯০ পরিবার হালের গরুর টাকা পায়নি, ৩৬৬ জন প্রত্যাগত শরণার্থীর সর্বসাকুল্যে ২৭,০৭,২৫২ টাকার ব্যাংক ঝাঁপ মওকুফ করা হয়নি। পূর্বের চাকরিতে পুনর্বাহালকৃত ২৬২ জন শরণার্থীর মধ্যে ১৪ জন এখনো জ্যেষ্ঠতা ও অন্যান্য সুযোগ-সুবিধাদি পায়নি। ভারত প্রত্যাগত শরণার্থীদের গ্রাম হতে স্থানান্তরিত বা বেদখলকৃত ৬টি প্রাথমিক বিদ্যালয়, ৫টি বাজার ও ৭টি মন্দির  |

| ধারা  | চুক্তির বিষয়   | সরকারের সর্বশেষ বক্তব্য  | জনসংহতি সমিতির মতামত  |   |  |
|---|---|--|---|---|--|
| <b>ঘ. পুনর্বাসন, সাধারণ ক্ষমা প্রদর্শন ও অন্যান্য বিষয়াবলী</b> |   |  |   |   |  |
|   | শরণার্থীগণ দেশে প্রত্যাবর্তন শুরু করেন। এই প্রক্রিয়া অব্যাহত থাকিবে এবং এই লক্ষ্যে জনসংহতি সমিতির পক্ষ হইতে সম্ভাব্য সব রকম সহযোগিতা প্রদান করা হইবে। তিন পার্বত্য জেলার আভ্যন্তরীণ উদ্বাস্তুদের নির্দিষ্টকরণ করিয়া একটি টাঙ্ক ফোর্সের মাধ্যমে পুনর্বাসনের ব্যবস্থা গ্রহণ করা হইবে।   |  | পুনর্বাসন করা হয়নি। খাগড়াছড়ি পার্বত্য জেলাধীন ফেনী উপত্যকার মাটিরাঙ্গা, মানিকছড়ি ও রামগড় উপজেলায়, মাইনী উপত্যকার দীঘিনালা ও চেঙ্গী উপত্যকার মহালছড়ি উপজেলায় এবং রাঙ্গামাটি পার্বত্য জেলাধীন মায়নী ও কাচলং উপত্যকার লংগদু উপজেলায় অবস্থিত ভারত প্রত্যাগত শরণার্থীদের ৪০টি গ্রাম, ভিটে-মাটি ও জায়গা-জমি এখনো সেটেলার বাঙালিদের পুরো দখলে রয়েছে। এ বিধান 'সম্পূর্ণ বাস্তবায়িত' হয়েছে মর্মে সরকারের অভিমত সঠিক নয়। |   |  |
| ঘ.২.  | সরকার ও জনসংহতি সমিতির মধ্যে চুক্তি স্বাক্ষর ও বাস্তবায়ন এবং উপজাতীয় শরণার্থী ও আভ্যন্তরীণ উপজাতীয় উদ্বাস্তুদের পুনর্বাসনের পর সরকার এই চুক্তি অনুযায়ী গঠিতব্য আঞ্চলিক পরিষদের সাথে আলোচনাক্রমে যথাশীত্র পার্বত্য চট্টগ্রামে ভূমি জরিপ কাজ শুরু এবং যথাযথ যাচাইয়ের মাধ্যমে জায়গা-জমি সংক্রান্ত বিরোধ নিষ্পত্তি করতঃ উপজাতীয় জনগণের ভূমি মালিকানা চূড়ান্ত করিয়া তাহাদের ভূমি রেকর্ডভুক্ত ও ভূমির অধিকার নিশ্চিত করিবেন। | বাস্তবায়ন প্রক্রিয়া চলমান রয়েছে। ভূমি জরিপ কাজ এখনো শুরু হয়নি। ভূমি কমিশন প্রথমত ভূমির বিবাদ নিষ্পত্তি করবে, তারপর জরিপের কাজ করবে। পার্বত্য চট্টগ্রাম আঞ্চলিক ভূমি বিরোধ নিষ্পত্তি কমিশন (সংশোধন) আইন ২০১৬ মহান জাতীয় সংসদে অনুমোদিত হয়েছে এবং ১৩ অক্টোবর ২০১৬ তারিখে বাংলাদেশ গেজেটে তা জারী করা হয়েছে। উক্ত আইনের আওতায় বিধিমালা প্রণয়নের জন্য ভূমি মন্ত্রণালয়ে খসড়া বিধিমালা, ২০১৬ প্রেরণ করা হয়েছে। বর্তমানে পার্বত্য চট্টগ্রাম ভূমি বিরোধ নিষ্পত্তি কমিশন বিধিমালা, ২০১৬ প্রণয়নের কাজ ভূমি মন্ত্রণালয়ে চূড়ান্ত পর্যায়ে রয়েছে। | অবাস্তবায়িত। ২৭ জুন ১৯৯৮ তারিখ খাগড়াছড়ি সার্কিট হাউজে অনুষ্ঠিত টাঙ্ক ফোর্সের ত্তীয় সভায় পার্বত্য জেলার আভ্যন্তরীণ উদ্বাস্তু বলতে যে সংজ্ঞা নির্ধারিত হয় তা নিম্নরূপ :   | “১৯৭৫ সনের ১৫ আগস্ট হতে ১৯৯২ সনের ১০ আগস্ট (অন্ত বিরতির শুরুর দিন পর্যন্ত) পার্বত্য চট্টগ্রামে (খাগড়াছড়ি, রাঙ্গামাটি, বান্দরবান) দীর্ঘ অশান্ত ও অস্থিতিশীল পরিস্থিতির কারণে যে সকল উপজাতি নিজ গ্রাম, মৌজা, অঞ্চল ত্যাগ করে স্বদেশের মধ্যে অন্যত্র চলে গেছেন বা চলে যেতে বাধ্য হয়েছেন তারা আভ্যন্তরীণ উদ্বাস্তু হিসাবে বিবেচিত হবেন।” | ১৩-০৯-২০১৪ তারিখে টাঙ্ক ফোর্স সভায় আভ্যন্তরীণ উপজাতীয় উদ্বাস্তু পরিবারদেরকে রেশনসহ অন্যান্য আর্থিক সুবিধা প্রদানের জন্য সিদ্ধান্ত গৃহীত হয় এবং উক্ত সিদ্ধান্ত সম্বলিত কার্যবিবরণী ২৮-০২-২০১৫ তারিখে অনুষ্ঠিত টাঙ্ক ফোর্স সভায় অনুমোদিত হয়। তবে উক্ত সিদ্ধান্ত এখনো বাস্তবায়িত হয়নি। |
| ঘ.৩.  | সরকার ভূমিহীন বা দুই একরের কম জমির মালিক উপজাতীয় পরিবারের ভূমির মালিকানা নিশ্চিত করিতে পরিবার প্রতি দুই একর জমি স্থানীয় এলাকায় জমির লভ্যতা সাপেক্ষে বন্দোবস্ত দেওয়া নিশ্চিত করিবেন। যদি প্রয়োজনমত জমি পাওয়া না যায় তাহা হইলে সেক্ষেত্রে টিলা জমির (গোভল্যান্ড) ব্যবস্থা করা হইবে।  | বাস্তবায়ন প্রক্রিয়া চলমান রয়েছে। তিন পার্বত্য জেলার বিবাজমান পরিস্থিতির কারণে বিগত ২৩/১০/২০০১ তারিখ থেকে বিশেষ ক্ষেত্র ব্যতীত পাচবিম (প-১)-পা: জেলা/বিবিধ/৮৫/ ২০০০-২৮০, তারিখ: ২৩/১০/০১ খ্রি: মোতাবেক তিন পার্বত্য জেলায় ভূমি বন্দোবস্ত কার্যক্রম স্থগিত রয়েছে। ভূমি কমিশনের কার্যক্রম শুরু হলে এই বিষয়ে প্রয়োজনীয় জমি বন্দোবস্ত প্রদান করা সম্ভব হবে।   |   | অবাস্তবায়িত।   |  |

| ধারা  | চুক্তির বিষয়  | সরকারের সর্বশেষ বক্তব্য  | জনসংহতি সমিতির মতামত   |
|---|--|--|--|
| <b>ঘ. পুনর্বাসন, সাধারণ ক্ষমা প্রদর্শন ও অন্যান্য বিষয়াবলী</b> |  |  |  |
| ঘ.৪.  | জায়গা-জমি বিষয়ক বিরোধ নিষ্পত্তিকল্পে একজন অবসরপ্থাণ্ট বিচারপতির নেতৃত্বে একটি কমিশন (ল্যান্ড কমিশন) গঠিত হইবে।<br>পুনর্বাসিত শরণার্থীদের জমিজমা বিষয়ক বিরোধ দ্রুত নিষ্পত্তি করা ছাড়াও এ্যাবৎ যেইসব জায়গা-জমি ও পাহাড় অবৈধভাবে বন্দোবস্ত ও বেদখল হইয়াছে সেই সমস্ত জমি ও পাহাড়ের মালিকানা স্বত্ত্ব বাতিলকরণের পূর্ণ ক্ষমতা এই কমিশনের থাকিবে। এই কমিশনের রায়ের বিরুদ্ধে কোন আপিল চলিবে না এবং এই কমিশনের সিদ্ধান্ত চূড়ান্ত বলিয়া বিবেচিত হইবে। ফ্রিজ্যাল্যান্ড (জলেভাসা জমি) এর ক্ষেত্রে ইহা প্রযোজ্য হইবে। | আংশিক বাস্তবায়িত। সম্প্রতি পঞ্চম (৫ম) ভূমি কমিশনের চেয়ারম্যান হিসেবে সুপ্রীম কোর্টের আপীলেট বিভাগের অবসরপ্থাণ্ট বিচারপতি জনাব আনোয়ার উল হকের মেয়ারমকাল উত্তীর্ণ হওয়ায় গত ১১/১২/২০১৭ তারিখে ৬ষ্ঠ ভূমি কমিশনের চেয়ারম্যান হিসেবে তাঁকে পুনরায় তিনি বছরের জন্য নিয়োগ প্রদান করা হয়। পঞ্চম (৫ম) ভূমি কমিশন কর্তৃক ভূমি বিরোধ নিষ্পত্তির লক্ষ্যে মোট তিনটি সভা অনুষ্ঠিত হয়েছে। ৬ষ্ঠ ভূমি কমিশনের ৫ম সভা গত ২২/০৯/২০১৯ তারিখে রাঙ্গামাটি পার্বত্য জেলায় অনুষ্ঠিত হয়েছে। | অবাস্তবায়িত। ১৯৯৯ খ্রিস্টাব্দ থেকে পার্বত্য চট্টগ্রাম ভূমি বিরোধ নিষ্পত্তি কমিশন গঠন করা হয়ে আসছে। ২০০১ খ্রিস্টাব্দে ‘পার্বত্য চট্টগ্রাম ভূমি বিরোধ নিষ্পত্তি কমিশন আইন, ২০০১’ প্রণীত হয়। উক্ত আইনে চুক্তির সাথে বিরোধাত্মক কতিপয় ধারা অন্তর্ভুক্ত হয়।<br>গত ৬ অক্টোবর ২০১৬ জাতীয় সংসদে ‘পার্বত্য চট্টগ্রাম ভূমি বিরোধ নিষ্পত্তি কমিশন (সংশোধন) আইন ২০১৬ পাশের মধ্য দিয়ে আইনটির বিরোধাত্মক ধারা সংশোধন করা হয়েছে। আইন সংশোধনের পর ভূমি কমিশনের বিধিমালার খসড়া তৈরি করে পার্বত্য চট্টগ্রাম আঞ্চলিক পরিষদের তরফ থেকে ০১ জানুয়ারি ২০১৭ ভূমি মন্ত্রণালয়ে জমা দেয়া হয়েছে। কিন্তু সরকার এখনো সেই বিধিমালা চূড়ান্ত করেনি। এর ফলে ভূমি কমিশনের ভূমি বিরোধ নিষ্পত্তির কাজ এখনো শুরু করা যায়নি। |
| ঘ.৫.  | এই কমিশন নিম্নোক্ত সদস্যদের লাইয়া গঠন করা হইবে :<br>ক) অবসরপ্থাণ্ট বিচারপতি;<br>খ) সার্কেল চীফ (সংশ্লিষ্ট);<br>গ) আঞ্চলিক পরিষদের চেয়ারম্যান/প্রতিনিধি;<br>ঘ) বিভাগীয় কমিশনার/অতিরিক্ত কমিশনার<br>ঙ) জেলা পরিষদের চেয়ারম্যান (সংশ্লিষ্ট)।  | বাস্তবায়িত। ভূমি কমিশন পুনঃগঠিত হয়েছে।   | বাস্তবায়িত। পার্বত্য চট্টগ্রাম ভূমি কমিশনের পর্যাণ্ট জনবল, তহবিল ও পরিসম্পদ নেই। খাগড়াছড়ি জেলায় কমিশনের প্রধান কার্যালয় স্থাপিত হলেও তহবিল, জনবল ও পরিসম্পদের অভাবের কারণে এখনো রাঙ্গামাটি ও বান্দরবান জেলায় শাখা কার্যালয় স্থাপন করা সম্ভব হয়নি।  |
| ঘ.৬.  | ক) কমিশনের মেয়াদ তিনি বৎসর হইবে। তবে আঞ্চলিক পরিষদের সাথে পরামর্শক্রমে ইহার মেয়াদ বৃদ্ধি করা যাইবে।<br><br>খ) কমিশন পার্বত্য চট্টগ্রামের প্রচলিত আইন, রীতি ও পদ্ধতি অনুযায়ী বিরোধ নিষ্পত্তি করিবেন।   | বাস্তবায়িত। ইহা অনুসরণ করা হয়।<br><br>চলমান রয়েছে। বিরোধ নিষ্পত্তির বিষয়টি ভূমি কমিশনের এখতিয়ারভুক্ত। পার্বত্য চট্টগ্রাম আঞ্চলিক ভূমি বিরোধ নিষ্পত্তি কমিশন (সংশোধন) আইন ২০১৬ মাহান জাতীয় সংসদে অনুমোদিত হয়েছে এবং ১৩ অক্টোবর ২০১৬ তারিখে বাংলাদেশ গেজেটে তা জারী   | বাস্তবায়িত।   |
|   |  |  | অবাস্তবায়িত। পার্বত্য চট্টগ্রাম ভূমি বিরোধ নিষ্পত্তি কমিশন আইন ২০০১-এ কেবলমাত্র পার্বত্য চট্টগ্রামের প্রচলিত আইন ও রীতি অনুযায়ী বিরোধ নিষ্পত্তির কথা বলা হয়েছে। পরে ‘পার্বত্য চট্টগ্রাম ভূমি বিরোধ নিষ্পত্তি কমিশন (সংশোধন) আইন ২০১৬ পাশের মধ্য দিয়ে আইনে যথাযথভাবে সংযোজিত হয়েছে। আইন সংশোধনের পর ভূমি কমিশনের বিধিমালার খসড়া তৈরি করে পার্বত্য চট্টগ্রাম আঞ্চলিক পরিষদের তরফ থেকে ০১ জানুয়ারি ২০১৭ ভূমি মন্ত্রণালয়ে জমা দেয়া হয়েছে। কিন্তু সরকার এখনো সেই বিধিমালা চূড়ান্ত করেনি। এর ফলে ভূমি কমিশনের ভূমি বিরোধ নিষ্পত্তির কাজ এখনো শুরু করা যায়নি।   |

| ধারা   | চুক্তির বিষয়  | সরকারের সর্বশেষ বক্তব্য  | জনসংহতি সমিতির মতামত   |
|--|--|--|--|
| ঘ. পুনর্বাসন, সাধারণ ক্ষমা প্রদর্শন ও অন্যান্য বিষয়াবলী |  |  |  |
|  |  | করা হয়েছে। সে অনুযায়ী কার্যক্রম চলমান রয়েছে। উক্ত আইনের আওতায় বিধিমালা প্রণয়নের জন্য ভূমি মন্ত্রণালয়ে খসড়া বিধিমালা, ২০১৬ প্রেরণ করা হয়েছে। বর্তমানে পার্বত্য চট্টগ্রাম ভূমি বিরোধ নিষ্পত্তি কমিশন বিধিমালা, ২০১৬ প্রণয়নের কাজ ভূমি মন্ত্রণালয়ে চূড়ান্ত পর্যায়ে রয়েছে।  |  |
| ঘ.৭.   | যে উপজাতীয় শরণার্থীরা সরকারের সংস্থা হইতে ঝণ গ্রহণ করিয়াছেন অথচ বিবাদমান পরিস্থিতির কারণে ঝণকৃত অর্থ সঠিকভাবে ব্যবহার করিতে পারেন নাই সেই ঝণ সুদসহ মওকুফ করা হইবে।   | বাস্তবায়ন প্রক্রিয়া চলমান রয়েছে। ভারত প্রত্যাগত উপজাতীয় শরণার্থীদের খেলাপী ঝণ সংক্রান্ত প্রথম দফায় ৬৪২ জনের ঝণ মওকুফ পূর্বক সমন্বয় করা হয়েছে। দ্বিতীয় দফায় ৭১৯ জনের মধ্যে ৩৩ জনের ঝণ ইতোমধ্যেই স্ব উদ্যোগে সমন্বয় করা হয়। প্রশাসকের কার্যালয় হতে গত ২২/০৯/২০১৫ তারিখে ৬৮৬ জনের একটি তালিকা, ৩৩ জনের একটি তালিকা এবং নতুন ১৬০ জনের একটি তালিকা মন্ত্রণালয়ে পাওয়া গিয়েছে। যা অর্থ মন্ত্রণালয়ে প্রেরণ করা হয়েছে। | অবাস্তবায়িত। ৮৭৯ জন প্রত্যাগত জুম্ব শরণার্থীদের ব্যাংক ঝণ এখনো মওকুফ করা হয়নি।   |
| ঘ.৮.   | রাবার চামের ও অন্যান্য জমি বরাদ্দ : যে সকল অ-উপজাতীয় ও অ-স্থানীয় ব্যক্তিদের রাবার বা অন্যান্য প্লান্টেশনের জন্য জমি বরাদ্দ করা হইয়াছিল তাহাদের মধ্যে যাহারা গত দশ বছরের মধ্যে প্রাকল্প গ্রহণ করেন নাই বা জমি সঠিক ব্যবহার করেন নাই সেসকল জমির বন্দোবস্ত বাতিল করা হইবে। | বাস্তবায়িত। বিগত সংসদের মেয়াদকালে পার্বত্য চট্টগ্রাম মন্ত্রণালয় সম্পর্কিত স্থায়ী কমিটির ৪৮ বৈঠকের সিদ্ধান্ত অনুযায়ী পার্বত্য চট্টগ্রামে যারা শর্ত পালন সাপেক্ষে রাবার বাগান করার জন্য জমি বন্দোবস্ত নিয়েছিল কিন্তু তারা লীজের শর্ত ভঙ্গ করে। বিদ্যমান বিধি বিধানের আওতায় তাদের লীজ বাতিল করা হয়েছে।  | অবাস্তবায়িত। আশি ও নবই দশকে বান্দরবান সদর, লামা, আলিকদম ও নাইক্ষঁংছড়ি উপজেলায় সমতল জেলার অধিবাসীদের নিকট সর্বমোট ১,৮৭৭ প্ল্যাটের বিপরীতে প্রায় ৪৬,৭৫০ একর জমি ইজারা দেয়া হয়েছে।<br>২০ জুলাই ও ১৮ আগস্ট ২০০৯ যথাক্রমে খাগড়াছড়ি ও রাঙ্গামাটিতে অনুষ্ঠিত পার্বত্য চট্টগ্রাম বিষয়ক মন্ত্রণালয় সংক্রান্ত সংসদীয় স্থায়ী কমিটির সভায় বান্দরবান জেলায় অ-স্থানীয়দের নিকট প্রদত্ত ইজারার মধ্যে যে সমন্ত ভূমিতে এখনো চুক্তি মোতাবেক কোন রাবার বাগান ও উদ্যান চাষ করা হয়নি সে সমন্ত ইজারা বাতিলের সিদ্ধান্ত গৃহীত হয়। উক্ত সিদ্ধান্তের আলোকে বান্দরবান জেলা প্রশাসক কর্তৃক ৫৯৩টি প্ল্যাটের প্রায় ১৫,০০০ একর জমি এবং রাঙ্গামাটি জেলা প্রশাসক কর্তৃক প্রায় ৩৫০ একর ভূমি লীজ বাতিল করা হয়। তবে বান্দরবান পার্বত্য জেলা প্রশাসন কর্তৃক উক্ত সিদ্ধান্ত লজ্জন করে অনিয়ম ও দুর্বীতির মাধ্যমে লীজ বাতিলের দু' মাসের মাথায় আরক নং- জেপ্বান/লীজ মোঃনং-১০৬০(ডি)/৮০-৮১/২০০৯ তারিখ ১৯/১১/২০০৯ মূলে বাতিলকৃত প্লটগুলোর মধ্যে প্রায় অধিকাংশ প্লট পুনরায় বহাল করা হয়। অন্যদিকে অবশিষ্ট প্লট কাগজে কলমে বাতিল করা হলেও এখনো সে সব প্লট লীজ গ্রহীতাদের দখলে রয়েছে। |

| ধারা  | চুক্তির বিষয়  | সরকারের সর্বশেষ বক্তব্য   | জনসংহতি সমিতির মতামত  |
|---|--|---|---|
| <b>ঘ. পুনর্বাসন, সাধারণ ক্ষমা প্রদর্শন ও অন্যান্য বিষয়াবলী</b> |  |   |   |
| ঘ.৯.  | সরকার পার্বত্য চট্টগ্রামে উন্নয়নের লক্ষ্যে অধিক সংখ্যক প্রকল্প বাস্তবায়নের জন্য অগ্রাধিকার ভিত্তিতে অতিরিক্ত অর্থ বরাদ্দ করিবেন। এলাকার উন্নয়নের জন্য প্রয়োজনীয় অবকাঠামো তৈরি করার লক্ষ্যে নতুন প্রকল্প অগ্রাধিকার ভিত্তিতে বাস্তবায়ন করিবেন এবং সরকার এই উদ্দেশ্যে প্রয়োজনীয় অর্থায়ন করিবেন। সরকার এই অঞ্চলে পরিবেশ বিবেচনায় রাখিয়া দেশী ও বিদেশী পর্যটকদের জন্য পর্যটন ব্যবস্থার উন্নয়নে উৎসাহ যোগাইবেন।   | বাস্তবায়ন প্রক্রিয়া চলমান রয়েছে। পার্বত্য চট্টগ্রামের সকল মানুষের উন্নয়নে অধিক সংখ্যক প্রকল্প বাস্তবায়নের জন্য অগ্রাধিকার ভিত্তিতে অতিরিক্ত অর্থ বরাদ্দ প্রাপ্তির লক্ষ্যে কার্যক্রম অব্যাহত আছে। জেলা পরিষদের নিকট স্থানীয় পর্যটন হস্তান্তরিত হয়েছে। এ অঞ্চলের পরিবেশ ও উপজাতীয় জনগোষ্ঠীর জীবনধারা ও সংস্কৃতি অঙ্গুল রেখে পার্বত্যবাসীর আর্থ-সামাজিক উন্নয়নের লক্ষ্যে কার্যক্রম অব্যাহত রয়েছে।  | অবাস্তবায়িত। স্থানীয় পর্যটন অর্থাৎ পার্বত্য জেলার পর্যটন বিষয়টি ২০১৪ খ্রিস্টাব্দে তিন পার্বত্য জেলা পরিষদসমূহের নিকট হস্তান্তরিত হলেও তা যথাযথভাবে হস্তান্তরিত হয়নি। বাংলাদেশ পর্যটন কর্পোরেশনের বা অন্য কোন সংস্থার দ্বারা পরিচালিত কোন দণ্ডের পর্যটন কেন্দ্র পার্বত্য জেলা পরিষদসমূহের নিকট হস্তান্তরিত হয়নি। কেবল পার্বত্য জেলা পরিষদের নিজের অর্থায়নে গৃহীত পর্যটন প্রকল্প ছাড়া অন্য কোন বিষয়ে তিন পার্বত্য জেলা পরিষদের এখতিয়ার রাখা হয়নি, যা পার্বত্য চট্টগ্রাম চুক্তির সাথে সম্পূর্ণভাবে বিরোধাত্মক। পক্ষান্তরে পার্বত্য জেলা পরিষদ আইন ও আঞ্চলিক পরিষদ আইন লঙ্ঘন করে বিভিন্ন সরকারি সংস্থা ও কর্তৃপক্ষ, সেনাবাহিনী এবং বিভিন্ন ব্যবসায়ী প্রতিষ্ঠান তিন পার্বত্য জেলায় পর্যটন কেন্দ্র স্থাপন ও পরিচালনা করে চলেছে।<br>২০১৪ খ্রিস্টাব্দে যে চুক্তিনামের মাধ্যমে স্থানীয় পর্যটন কার্যাবলী হস্তান্তর করা হয়েছে উহা বাতিল করে নির্বাহী আদেশের মাধ্যমে উক্ত স্থানীয় পর্যটন বিষয়টির সংশ্লিষ্ট দণ্ডের ও প্রতিষ্ঠানসমূহ পার্বত্য জেলা পরিষদের নিকট পূর্ণস্বত্ত্বাবে হস্তান্তর করার জন্য আঞ্চলিক পরিষদ সংশ্লিষ্ট মন্ত্রণালয়ের সাথে ২০১৫ খ্রিস্টাব্দে বৈঠক করে এবং সংশ্লিষ্ট দণ্ডের ও প্রতিষ্ঠানসমূহ নির্বাহী আদেশে হস্তান্তরকল্পে সিদ্ধান্ত গৃহীত হয়। কিন্তু আজ অবধি তা বাস্তবায়ন করা হয়নি। |
| ঘ.১০.   | কোটা সংরক্ষণ ও বৃত্তি প্রদান : চাকরি ও উচ্চ শিক্ষার জন্য দেশের অন্যান্য অঞ্চলের সমপর্যায়ে না গৌচা পর্যন্ত সরকার উপজাতীয়দের জন্য সরকারি চাকরি ও উচ্চ শিক্ষা প্রতিষ্ঠানে কোটা ব্যবস্থা বহাল রাখিবেন। উপরোক্ত লক্ষ্যে শিক্ষা প্রতিষ্ঠানে উপজাতীয় ছাত্র/ছাত্রীদের জন্য সরকার অধিক সংখ্যক বৃত্তি প্রদান করিবেন। বিদেশে উচ্চ শিক্ষা গ্রহণ ও গবেষণার জন্য সরকার প্রয়োজনীয় বৃত্তি প্রদান করিবেন।  | বাস্তবায়িত। শিক্ষা মন্ত্রণালয় হতে উচ্চতর শিক্ষা প্রতিষ্ঠানসমূহে উপজাতীয়দের জন্য সীট সংরক্ষণের ব্যবস্থা রয়েছে। প্রতি বৎসর শিক্ষার্থীরা বৃত্তি নিয়ে অঞ্চলিয়া যাচ্ছে।  | আংশিক বাস্তবায়িত। দেশে ছাত্র সমাজের কোটা সংস্কার আন্দোলনের প্রেক্ষিতে সরকার গত ৪ অক্টোবর ২০১৮ নবম ছ্রেড (আগের প্রথম শ্রেণি) এবং দশম থেকে ১৩তম ছ্রেডের (আগের দ্বিতীয় শ্রেণি) পদে উপজাতি কোটাসহ বিদ্যমান সকল কোটা পদ্ধতি বাতিল করে। তবে বিভিন্ন উচ্চ শিক্ষা প্রতিষ্ঠানে উপজাতীয় ছাত্র/ছাত্রীদের জন্য কোটা অব্যাহত রয়েছে। শিক্ষা প্রতিষ্ঠানেও কোটার আসন সংখ্যা কমিয়ে দেওয়া হয়েছে। এ বিধান ‘সম্পূর্ণ বাস্তবায়িত’ হয়েছে মর্মে সরকারের অভিমত সঠিক নয়।   |
| ঘ.১১.   | উপজাতীয় কৃষি ও সাংস্কৃতিক স্বত্ত্ব্য বজায় রাখার জন্য সরকার ও নির্বাচিত প্রতিনিধিগণ সচেষ্ট থাকিবেন। সরকার উপজাতীয় সংস্কৃতির কর্মকাণ্ডকে জাতীয় পর্যায়ে বিকশিত করার লক্ষ্যে তিন পার্বত্য জেলায় ক্ষুদ্র নৃ-গোষ্ঠী সাংস্কৃতিক ইনসিটিউট প্রতিষ্ঠা করেছে। সাংস্কৃতিক ইনসিটিউটগুলোতে সংস্কৃতি বিষয়ক মন্ত্রণালয় হতে অনুদান দেওয়া হয়। বাংলাদেশের সংবিধানের পঞ্চদশ সংশোধনীতে ২৩ক উপ-অনুচ্ছেদ অঙ্গভুক্তির মাধ্যমে বাংলাদেশের উপজাতি, ক্ষুদ্র নৃ-গোষ্ঠী, জাতিসভাসমূহের ভাষা ও সংস্কৃতির বিকাশ ও সংরক্ষণের বিষয়টি নিশ্চিত করা হয়েছে। | বাস্তবায়িত। সরকার উপজাতীয় সংস্কৃতির কর্মকাণ্ডকে জাতীয় পর্যায়ে বিকশিত করার যথাযথ পৃষ্ঠপোষকতা ও সহায়তার অভাব রয়েছে।<br>সংবিধানের ২৩ক অনুচ্ছেদের বর্ণিত বিধানের মাধ্যমে পার্বত্য চট্টগ্রাম অঞ্চলের বিভিন্ন ভাষাভাষী পাহাড় জাতিসমূহের সাংবিধানিক স্বীকৃতি পরিপূরণ হয়নি। পঞ্চদশ সংশোধনীর মাধ্যমে সংবিধানে পাহাড়দেরকে বাঙালি হিসেবে অভিহিত করা হয়েছে। আঞ্চলিক পরিষদের কোন মতামত ছাড়াই ক্ষুদ্র নৃ-গোষ্ঠী সাংস্কৃতিক প্রতিষ্ঠান আইন ২০১০ প্রণীত হয়েছে। উপজাতীয়দের কৃষি ও সাংস্কৃতিক স্বত্ত্ব্য বজায় ও বিকাশের লক্ষ্যে সরকার কর্তৃক কোন কার্যকর পদক্ষেপ গ্রহণ করা হয়নি। |   |

| ধারা  | চুক্তির বিষয়  | সরকারের সর্বশেষ বক্তব্য   | জনসংহতি সমিতির মতামত |
|---|--|---|----------------------|
| <b>ঘ. পুনর্বাসন, সাধারণ ক্ষমা প্রদর্শন ও অন্যান্য বিষয়াবলী</b> |  |   |                      |
| ঘ.১২.   | জনসংহতি সমিতি ইহার সশন্ত্র সদস্যসহ সকল সদস্যের তালিকা এবং ইহার আয়ত্তাধীন ও নিয়ন্ত্রণাধীন অন্ত্র ও গোলাবারণের বিবরণী এই চুক্তি স্বাক্ষরের ৪৫ দিনের মধ্যে সরকারের নিকট দাখিল করিবেন।   | বাস্তবায়িত।  | বাস্তবায়িত।         |
| ঘ.১৩.   | সরকার ও জনসংহতি সমিতি যৌথভাবে এই চুক্তি স্বাক্ষরের ৪৫ দিনের মধ্যে অন্ত্র জমাদানের জন্য দিন, তারিখ ও স্থান নির্ধারণ করিবেন।<br>জনসংহতি সমিতির তালিকাভুক্ত সদস্যদের অন্ত্র ও গোলাবারণ জমাদানের জন্য দিন, তারিখ ও স্থান নির্ধারণ করার পর তালিকা অনুযায়ী<br>জনসংহতি সমিতির সদস্য ও তাহাদের পরিবারবর্গের স্বাভাবিক জীবনে প্রত্যাবর্তনের জন্য সব রকমের নিরাপত্তা প্রদান করা হইবে। | বাস্তবায়িত।  | বাস্তবায়িত।         |
| ঘ.১৪.   | নির্ধারিত তারিখে যে সকল সদস্য অন্ত্র ও গোলাবারণ জমা দিবেন সরকার তাহাদের প্রতি ক্ষমা ঘোষণা করিবেন। যাদের বিরুদ্ধে মামলা দায়ের করা আছে সরকার ঐ সকল মামলা প্রত্যাহার করিয়া নিবেন।   | বাস্তবায়িত। পার্বত্য চট্টগ্রাম আঞ্চলিক পরিষদ হতে প্রাপ্ত তথ্য মতে চুক্তির পরে ২৫২৪ জনের বিরুদ্ধে আনীত ৮৩৯টি মামলার তালিকা পেশ করা হয়। ডেপুটি কমিশনারের নেতৃত্বে গঠিত মামলা প্রত্যাহার সংক্রান্ত তিনটি পার্বত্য জেলা কমিটি যাচাই-বাছাই পূর্বক ৭২০টি মামলা প্রত্যাহার করার জন্য সুপারিশসহ স্বরাষ্ট্র মন্ত্রণালয়ের নিকট পত্র প্রেরণ করে। কিন্তু আজ অবধি উক্ত মামলাগুলো প্রত্যাহার সংক্রান্ত কোন গেজেট জারি করা হয়নি। এছাড়া অবশিষ্ট ১১৯টি মামলা প্রত্যাহার বিষয়ে কোন সিদ্ধান্ত গ্রহণ করা হয়নি। উল্লেখ্য, সাজাপ্তাঙ্গ ৪৩ টি মামলার সাথে জড়িত ব্যক্তিরা মহামান্য রাষ্ট্রপতির নিকট ক্ষমার আবেদন করেছেন। উক্ত আবেদনগুলো এখনো স্বরাষ্ট্র মন্ত্রণালয় হতে মাননীয় রাষ্ট্রপতির নিকট প্রেরিত হয়নি। অধিকন্তু মামলা সংক্রান্ত তিনটি পার্বত্য জেলা কমিটি সামরিক আদালতে দায়েরকৃত মামলাগুলোর এখনো কোন সন্ধান পায়নি। |                      |
| ঘ.১৫.   | নির্দিষ্ট সময়-সীমার মধ্যে কেহ অন্ত্র জমা দিতে ব্যর্থ হইলে সরকার তাহার বিরুদ্ধে আইনানুগ ব্যবস্থা নিবেন।  | বাস্তবায়িত।  | বাস্তবায়িত।         |
| ঘ.১৬.   | জনসংহতি সমিতির সকল সদস্য স্বাভাবিক জীবনে প্রত্যাবর্তনের পর তাদেরকে এবং জনসংহতি সমিতির কার্যকলাপের সাথে জড়িত স্থায়ী বাসিন্দাদেরকেও সাধারণ ক্ষমা প্রদর্শন করা হইবে।  | বাস্তবায়িত। স্বরাষ্ট্র মন্ত্রণালয় হতে সারাধ্বণ ক্ষমা প্রদর্শনের প্রজ্ঞাপন জারী করা হয়েছে।  | বাস্তবায়িত।         |

| ধারা  | চুক্তির বিষয়   | সরকারের সর্বশেষ বক্তব্য  | জনসংহতি সমিতির মতামত  |
|---|---|--|---|
| <b>ঘ. পুনর্বাসন, সাধারণ ক্ষমা প্রদর্শন ও অন্যান্য বিষয়াবলী</b> |   |  |   |
|   | ক) জনসংহতি সমিতির প্রত্যাবর্তনকারী সকল সদস্যকে পুনর্বাসনের লক্ষ্যে পরিবার প্রতি এককালীন ৫০,০০০/= টাকা প্রদান করা হইবে।  | বাস্তবায়িত।   | বাস্তবায়িত।  |
|   | খ) জনসংহতি সমিতির সশন্ত সদস্যসহ অন্যান্য সদস্যদের মধ্যে যাহাদের বিরুদ্ধে মামলা, গ্রেফতারি পরোয়ানা, ছলিয়া জারি অথবা অনুপস্থিতকালীন সময়ে বিচারে শাস্তি প্রদান করা হইয়াছে, অন্ত সমর্পণ ও স্বাভাবিক জীবনে প্রত্যাবর্তনের পর যথাশীল সম্ভব তাহাদের বিরুদ্ধে সকল মামলা, গ্রেফতারি পরোয়ানা এবং ছলিয়া প্রত্যাহার করা হইবে এবং অনুপস্থিতকালীন সময়ে প্রদত্ত সাজা মওকুফ করা হইবে। জনসংহতি সমিতির কোন সদস্য জেলে আটক থাকিলে তাহাকেও মুক্তি দেওয়া হইবে। | বাস্তবায়িত। চুক্তির পর ২৫২৪ জনের বিরুদ্ধে আনীত ৯৯৯টি মামলা জমা দেয়া হয়েছে। তন্মধ্যে ৮৪৪টি মামলা যাচাই-বাচাই করা হয়েছে। তার মধ্যে ৭২০টি মামলা প্রত্যাহারের নিমিত্তে স্বরাষ্ট্র মন্ত্রণালয়ে প্রেরণ করা হয়েছে।  | আংশিক বাস্তবায়িত। এ বিধান অনুসারে জেলে অন্তরীণ ১৯ জন জনসংহতি সমিতির সদস্যকে মুক্তি দেয়া হয়েছে। তবে ৭২০টি মামলা প্রত্যাহার করার সিদ্ধান্ত গৃহীত হলেও আজ অবধি স্বরাষ্ট্র মন্ত্রণালয় থেকে এ বিষয়ে গেজেট জারি করা হয়নি। |
|   | গ) অনুরূপভাবে অন্ত সমর্পণ ও স্বাভাবিক জীবনে প্রত্যাবর্তনের পর কেবলমাত্র জনসংহতি সমিতির সদস্য ছিলেন কারণে কাহারো বিরুদ্ধে মামলা দায়ের বা শাস্তি প্রদান বা গ্রেফতার করা যাইবে না।  | বাস্তবায়িত।   | বাস্তবায়িত।  |
|   | ঘ) জনসংহতি সমিতির যে সকল সদস্য সরকারের বিভিন্ন ব্যাংক ও সংস্থা হইতে খণ্ড গ্রহণ করিয়াছেন কিন্তু বিবাদমান পরিস্থিতির জন্য গৃহীত খণ্ড সঠিকভাবে ব্যবহার করতে পারেন নাই তাহাদের উক্ত খণ্ড সুদসহ মওকুফ করা হইবে।   | আংশিক বাস্তবায়িত। খেলাপী খণ্ড সংক্রান্ত প্রথম দফায় ৬৪২ জনের খণ্ড মওকুফ পূর্বক সমন্বয় করা হয়েছে। দ্বিতীয় দফায় ৭১৯ জনের মধ্যে ৩৩ জনের খণ্ড ইতোমধ্যেই স্ব উদ্যোগে সমন্বয় করা হয়। অবশিষ্ট ৬৮৬ জনের অপরিশেষিত খেলাপী খণ্ড মওকুফ করণের বিষয়ে জেলা প্রশাসকের মতামত ও তালিকা চাওয়া হয়। সে প্রেক্ষিতে খাগড়াছড়ি পার্বত্য জেলা প্রশাসকের কার্যালয় হতে গত ২২/০৯/২০১৬ তারিখে ৬৮৬ জনের একটি তালিকা, ৩৩ জনের একটি তালিকা এবং নতুন ১৬০ জনের একটি তালিকা মন্ত্রণালয়ে পাওয়া গিয়েছে। যা অর্থ মন্ত্রণালয়ে প্রেরণ করা হয়েছে। | অবাস্তবায়িত। প্রত্যাগত জনসংহতি সমিতির মোট ৪ (চার) জন সদস্য কর্তৃক গৃহীত ২২,৭৮৩ টাকা ব্যাংক খণ্ড মওকুফ করার জন্য সরকারের নিকট তালিকা পেশ করা হয়। তা এখনো মওকুফ করা হয়নি।  |

| ধারা  | চুক্তির বিষয়   | সরকারের সর্বশেষ বক্তব্য  | জনসংহতি সমিতির মতামত  |
|-------|---|--|---|
|       | ঘ. পুনর্বাসন, সাধারণ ক্ষমা প্রদর্শন ও অন্যান্য বিষয়াবলী  |  |   |
|       | ঙ) প্রত্যাগত জনসংহতি সমিতির সদস্যদের মধ্যে যাহারা পূর্বে সরকার বা সরকারি প্রতিষ্ঠানে চাকরিত ছিলেন তাহাদেরকে স্ব স্ব পদে পুনর্বাল করা হইবে এবং জনসংহতি সমিতির সদস্য ও তাহাদের পরিবারের সদস্যদের যোগ্যতা অনুসারে চাকরিতে নিয়োগ করা হইবে। এইক্ষেত্রে তাহাদের বয়স শিথিল সংক্রান্ত সরকারি নীতিমালা অনুসরণ করা হইবে।        | বাস্তবায়ন প্রক্রিয়াধীন। পার্বত্য চট্টগ্রাম আঞ্চলিক পরিষদ হতে প্রাপ্ত তথ্যাদি পুঞ্জানু-পুঞ্জভাবে যাচাইবাছাই শেষে ২৬২ জনের তালিকা গেজেটে প্রকাশ করা হয়েছে। এবং উক্ত ২৬২ জন সদস্যদের সুযোগ-সুবিধা সংক্রান্ত বিশেষ সুবিধা বিধিমালা জারী করা হয়েছে। বর্তমানে ২৬২ জনের বকেয়া বেতন/ভাতাদি/ আনুতোষিক প্রদানের লক্ষ্যে আর্থিক সংশ্লেষ সহ বিবরণ সংশ্লিষ্ট মন্ত্রণালয়ে প্রেরণ করা হয়েছে। সে আলোকে সংশ্লিষ্ট মন্ত্রণালয়সমূহে কার্যক্রম প্রক্রিয়াধীন রয়েছে। | আংশিক বাস্তবায়িত। পূর্বে চাকরিতে কর্মরত ছিলেন এমন ৭৮ জন প্রত্যাগত জনসংহতি সমিতির সদস্যের তালিকা সরকারের নিকট পেশ করা হয়। তন্মধ্যে ৬৪ জনকে চাকরিতে পুনর্বাল করা হয়। তাদেরকে জ্যেষ্ঠতা ও অন্যান্য সুবিধাদি প্রদানের জন্য ২০১৫ সালের ২৯ ডিসেম্বর পার্বত্য চট্টগ্রাম বিষয়ক মন্ত্রণালয় “তালিকাভুক্ত কর্মচারী (বিশেষ সুবিধাদি) বিধিমালা, ২০১৫” নামে একটি বিধিমালা প্রণয়ন করে। উক্ত বিধিমালা অনুসারে সংশ্লিষ্ট অনেক কর্মচারী সংশ্লিষ্ট সুবিধাদি পাচ্ছেন। তবে তালিকাভুক্তদের মধ্যে এখনো অনেকে উক্ত সুবিধাদি পাননি।<br>উল্লেখ্য যে, কতিপয় সংশ্লিষ্ট কর্মচারী উক্ত তালিকাভুক্ত কর্মচারীর তালিকাতে বাদ থেকে যায়। আঞ্চলিক পরিষদ হতে এ বিষয়টি সরকারের সংশ্লিষ্ট কর্তৃপক্ষের নিকট ইতোপূর্বে তুলে ধরা হয়েছে। বর্তমানে তাদের বিষয়টি সরকার কর্তৃক বিবেচনার দাবী রাখে।<br>প্রত্যাগত জনসংহতি সমিতির সদস্য ও তাদের পরিবারের সদস্যদেরকে যোগ্যতা অনুসারে চাকরিতে নিয়োগ ও তাদের বয়স শিথিল করা হচ্ছে না। |
|       | চ) জনসংহতি সমিতির সদস্যদের কুটির শিল্প ও ফলের বাগান প্রভৃতি আত্মকর্মসংস্থানমূলক কাজের সহায়তার জন্য সহজ শর্তে ব্যাংক খণ্ড গ্রহণের অগ্রাধিকার প্রদান করা হইবে।   | বাস্তবায়িত।   | অবাস্তবায়িত। চুক্তির এ বিধান বাস্তবায়িত হয়নি। জনসংহতি সমিতির সদস্যদের পুনর্বাসনের লক্ষ্যে ১৯৯৮ সনের জুন-জুলাই মাসে জনসংহতি সমিতি সদস্যদের দাখিলকৃত ১৪২৯টি আত্মকর্মসংস্থানমূলক প্রকল্প বাস্তবায়নে এয়াবৎ কোন ব্যবস্থা নেওয়া হয়নি।  |
|       | ছ) জনসংহতি সমিতির সদস্যগণের ছেলেমেয়েদের পড়াশুনার সুযোগ-সুবিধা প্রদান করা হইবে এবং তাহাদের বৈদেশিক বোর্ড ও শিক্ষা প্রতিষ্ঠান হইতে প্রাপ্ত সার্টিফিকেট বৈধ করা হয়েছে। জনসংহতি সমিতির সদস্যদের ছেলেমেয়েদের পড়া-শুনা সুযোগ-সুবিধার বিষয় চলমান রয়েছে।   | বাস্তবায়িত। বৈদেশিক শিক্ষা প্রতিষ্ঠান হতে প্রাপ্ত সনদ বৈধ বলে গণ্য করা হয়েছে। জনসংহতি সমিতির সদস্যদের ছেলেমেয়েদের পড়া-শুনা সুযোগ-সুবিধার বিষয় চলমান রয়েছে।   | আংশিক বাস্তবায়িত। প্রত্যাগত জনসংহতি সমিতির সদস্যগণের ছেলেমেয়েদের পড়াশুনার বৈদেশিক বোর্ড ও শিক্ষা প্রতিষ্ঠান হতে প্রাপ্ত সার্টিফিকেট বৈধ করা হয়েছে। তবে প্রত্যাগত জনসংহতি সমিতির সদস্যগণের ছেলেমেয়েদের পড়াশুনার জন্য এয়াবৎ কোন সুযোগ-সুবিধা প্রদান করা হয়নি।   |
| ঘ.১৭. | ক) সরকার ও জনসংহতি সমিতির মধ্যে চুক্তি সই ও সম্পাদনের পর এবং জনসংহতি সমিতির সদস্যদের স্বাভাবিক জীবনে ফেরত আসার সাথে সাথে সীমতরক্ষী বাহিনী (বিডিআর) ও স্থায়ী সেনানিবাস (তিন জেলা সদরে তিনটি এবং আলিকদম, রূমা ও দীঘিনালা) ব্যতীত সামরিক বাহিনী, আনসার ও গ্রাম প্রতিরক্ষা বাহিনীর সকল অস্থায়ী ক্যাম্প পার্বত্য চট্টগ্রাম | বাস্তবায়ন প্রক্রিয়া চলমান রয়েছে।  | অবাস্তবায়িত। চুক্তি স্বাক্ষরের পর ১৯৯৭-১৯৯৯ সালে পাঁচ শতাধিক ক্যাম্পের মধ্যে মাত্র ৭০টি অস্থায়ী ক্যাম্প এবং ২০০৯-২০১৩ সালের মেয়াদকালে ৩৫টি অস্থায়ী ক্যাম্প প্রত্যাহার হয়েছে বলে জানা গেছে। তবে প্রত্যাহার অনেক অস্থায়ী ক্যাম্প পুনর্বাল করা হয়েছে।<br>চুক্তির এ বিধান অনুযায়ী অস্থায়ী ক্যাম্পসমূহ স্থায়ী নিবাসে ফেরত নেওয়া বিষয়ে কোন সময়-সীমা আজ অবধি নির্ধারিত হয়নি। সীমান্ত রক্ষী বাহিনী (বিডিআর বর্তমানে বিজিবি) ও ৬টি স্থায়ী সেনানিবাস (তিন জেলা সদরে তিনটি এবং আলিকদম, রূমা ও দীঘিনালা) ব্যতীত প্রায় চার শতাধিক সামরিক বাহিনী, আনসার ও গ্রাম প্রতিরক্ষা বাহিনীর অন্যান্য অস্থায়ী ক্যাম্প পার্বত্য চট্টগ্রাম হতে পর্যায়ক্রমে স্থায়ী নিবাসে ফেরত নেয়া হয়নি। অস্থায়ী ক্যাম্প প্রত্যাহারের কার্যক্রম বর্তমানে সম্পূর্ণ বন্ধ রয়েছে।  |

| ধারা   | চুক্তির বিষয়  | সরকারের সর্বশেষ বক্তব্য | জনসংহতি সমিতির মতামত   |
|--|--|-------------------------|--|
| ঘ. পুনর্বাসন, সাধারণ ক্ষমা প্রদর্শন ও অন্যান্য বিষয়াবলী |  |                         |  |
|  | <p>হইতে পর্যায়ক্রমে স্থায়ী নিবাসে ফেরত নেওয়া হইবে এবং এই লক্ষ্যে সময়-সীমা নির্ধারণ করা হইবে। আইন-শৃঙ্খলা অবনতির ক্ষেত্রে, প্রাকৃতিক দুর্ঘোগের সময়ে এবং এই জাতীয় অন্যান্য কাজে দেশের সকল এলাকার ন্যায় প্রয়োজনীয় যথাযথ আইন ও বিধি অনুসরণে বেসামরিক প্রশাসনের কর্তৃত্বাধীনে সেনাবাহিনীকে নিয়োগ করা যাইবে। এই ক্ষেত্রে প্রয়োজন বা সময় অনুযায়ী সহায়তা লাভের উদ্দেশ্যে আঞ্চলিক পরিষদ যথাযথ কর্তৃপক্ষের কাছে অনুরোধ করিতে পারিবেন।</p>  |                         | <p>উল্লেখ্য, পূর্বের ‘অপারেশন দাবানল’ এর পরিবর্তে ১ সেপ্টেম্বর ২০০১ হতে সরকার কর্তৃক একত্রফাভাবে পার্বত্য চট্টগ্রামে ‘অপারেশন উত্তরণ’ জারি করা হয়। এই ‘অপারেশন উত্তরণ’-এর বদৌলতে পার্বত্য চট্টগ্রামের প্রশাসনিক, আইন-শৃঙ্খলা, উন্নয়নসহ গুরুত্বপূর্ণ সকল বিষয়ে পার্বত্য চট্টগ্রামে নিয়োজিত সেনা কর্তৃপক্ষ সিদ্ধান্ত-নির্ধারণী ভূমিকা পালন করে চলেছে এবং চুক্তি বাস্তবায়ন ক্ষেত্রেও সময় বিশেষে নানাভাবে প্রতিবন্ধকতা সৃষ্টি করে চলেছে।</p> <p>চুক্তির এ বিধান অনুযায়ী অস্থায়ী ক্যাম্পসমূহ স্থায়ী নিবাসে ফেরত নেওয়ার সময়-সীমা নির্ধারণ, পর্যায়ক্রমে অস্থায়ী ক্যাম্পসমূহ প্রত্যাহার ও অপারেশন উত্তরণ আদেশ তুলে নেওয়া বাস্তুনীয়।</p> |
| ঘ.১৮.  | <p>খ) সামরিক ও আধা-সামরিক বাহিনীর ক্যাম্প ও সেনানিবাস কর্তৃক পরিত্যক্ত জায়গা-জমি প্রকৃত মালিকের নিকট অথবা পার্বত্য জেলা পরিষদের নিকট হস্তান্তর করা হইবে।</p> <p>পার্বত্য চট্টগ্রামের সকল সরকারি, আধা-সরকারি, পরিষদীয় ও স্বায়ত্তশাসিত প্রতিষ্ঠানের সকল স্তরের কর্মকর্তা ও বিভিন্ন শ্রেণির কর্মচারী পদে উপজাতীয়দের অধাধিকার ভিত্তিতে পার্বত্য চট্টগ্রামের স্থায়ী অধিবাসীদের নিয়োগ করা হইবে। তবে কোন পদে পার্বত্য চট্টগ্রামের স্থায়ী অধিবাসীদের মধ্যে যোগ্যতাসম্পন্ন ব্যক্তি না থাকিলে সরকার হইতে প্রেষণে অথবা নির্দিষ্ট সময় মেয়াদে উক্ত পদে নিয়োগ করা যাইবে।</p> | <p>বাস্তবায়িত।</p>     | <p>আংশিক বাস্তবায়িত। প্রত্যাহারকৃত কিছু ক্যাম্পের পরিত্যক্ত জায়গা-জমি প্রকৃত মালিকদের কাছে হস্তান্তর করা হয়েছে। কোন কোন অস্থায়ী ক্যাম্প কর্তৃপক্ষ জায়গা-জমি পরিত্যাগ করলেও প্রকৃত মালিকের নিকট পরিত্যক্ত জায়গা-জমি হস্তান্তর করেন। এসব পরিত্যক্ত জায়গায় সেনাবাহিনী নতুন করে ক্যাম্প স্থাপনের উদ্যোগ গ্রহণ করেছে। অধিকাংশ অস্থায়ী ক্যাম্প প্রত্যাহার না হওয়ায় এখনো পাহাড়িদের অনেক জমি সেনা ক্যাম্পের দখলে রয়েছে।</p>   |

| ধারা  | চুক্তির বিষয়  | সরকারের সর্বশেষ বক্তব্য  | জনসংহতি সমিতির মতামত   |
|---|--|--|--|
| <b>ঘ. পুনর্বাসন, সাধারণ ক্ষমা প্রদর্শন ও অন্যান্য বিষয়াবলী</b> |  |  |  |
| ঘ.১৯.   | <p>উপজাতীয়দের মধ্য হইতে একজন মন্ত্রী নিয়োগ করিয়া পার্বত্য চট্টগ্রাম বিষয়ক একটি মন্ত্রণালয় প্রতিষ্ঠা করা হইবে। এই মন্ত্রণালয়কে সহায়তা করিবার জন্য নিম্নে বর্ণিত উপদেষ্টা কমিটি গঠন করা হইবে।</p> <p>১) পার্বত্য চট্টগ্রাম বিষয়ক মন্ত্রী;</p> <p>২) চেয়ারম্যান/প্রতিনিধি, আঞ্চলিক পরিষদ;</p> <p>৩) চেয়ারম্যান/প্রতিনিধি, রাঙ্গামাটি পার্বত্য জেলা পরিষদ;</p> <p>৪) চেয়ারম্যান/প্রতিনিধি, খাগড়াছড়ি পার্বত্য জেলা পরিষদ;</p> <p>৫) চেয়ারম্যান/ প্রতিনিধি, বান্দরবান পার্বত্য জেলা পরিষদ;</p> <p>৬) সাংসদ, রাঙ্গামাটি;</p> <p>৭) সাংসদ, খাগড়াছড়ি;</p> <p>৮) সাংসদ, বান্দরবান;</p> <p>৯) চাকমা রাজা;</p> <p>১০) বোমাং রাজা;</p> <p>১১) মৎ রাজা;</p> <p>১২) তিন পার্বত্য জেলা হইতে সরকার কর্তৃক মনোনীত পার্বত্য এলাকার স্থায়ী অধিবাসী তিনজন অউপজাতীয় সদস্য।</p> | <p>বাস্তবায়িত। চুক্তি অনুযায়ী পার্বত্য চট্টগ্রাম বিষয়ক মন্ত্রণালয়ে একজন উপজাতীয়কে প্রতিমন্ত্রী হিসেবে নিয়োগ প্রদান করা হয়েছে যিনি Minister-in-Charge হিসেবে পূর্ণমন্ত্রীর ক্ষমতা প্রয়োগ করেন। মন্ত্রণালয়কে সহযোগিতা করার জন্য ১২ সদস্য বিশিষ্ট উপদেষ্টা কমিটি রয়েছে।</p> | <p>বাস্তবায়িত। সংশ্লিষ্ট বিভিন্ন মন্ত্রণালয়ের কর্মবন্টন বা Allocation of Business সংশোধিত না হওয়ায় উক্ত মন্ত্রণালয়সমূহ এখনো পর্যন্ত পার্বত্য চট্টগ্রাম সংক্রান্ত বিষয়াদি পূর্বেকার মতো সম্পাদন করে চলেছে। ফলে পার্বত্য চট্টগ্রাম বিষয়ক মন্ত্রণালয় যথাযথভাবে কার্যকর হয়ে উঠতে পারেনি।</p> <p>এ বিধান যথাযথ বাস্তবায়নের লক্ষ্যে সংশ্লিষ্ট বিভিন্ন মন্ত্রণালয়ের কর্মবন্টন বা Allocation of Business সংশোধন করা বাঞ্ছনীয়।</p> <p>মন্ত্রণালয়ের অধিকাংশ কর্মকর্তা-কর্মচারী পার্বত্য চট্টগ্রামের অধিবাসী নয়। তারা অধিকাংশ ক্ষেত্রে পার্বত্য চট্টগ্রামের সামগ্রিক বিষয়ে সংবেদনশীল নয়। তাই পার্বত্য চট্টগ্রাম আঞ্চলিক পরিষদ ও তিন পার্বত্য জেলা পরিষদ আইন কার্যকরকরণসহ পার্বত্য চট্টগ্রাম চুক্তি বাস্তবায়ন প্রক্রিয়া নানাভাবে বাধাগ্রস্ত হচ্ছে। এছাড়া বর্তমানে উপদেষ্টা কমিটির কোন বৈঠক ডাকা হয় না। বস্তুত উপদেষ্টা কমিটি নামে মাত্র রয়েছে বলে বিবেচনা করা যায়।</p> |



